

國史畧

五

Kokushi ryaku
History of Japan -

Tōen

Iwagaki

Vol. I



音博士岩垣先生編次

不許翻刻
必究

國史畧

皇都

五車樓梓

國史畧序

宋呂東萊左氏博議極

言古之史官直書時事

不諱強臣無敢遁其罪

終使君臣之分天高地

下長明于世之功嗚呼
史官筆鋒之強扶持綱
常其功之大有如足者
也矣先考門生從五位
下巖垣彥明晚年有修

史之志遺命厥孫松苗
編次國史畧語以此意
使其無阿諛畏怯記載
失實之譏松苗乃慨然
潛心史辭久矣茲賦歎

本邦史籍久矣遂規模
十八史畧編次是書余
讀之其筆直其文雅稱
呼正議論確語以直意
列朝政績將相美惡郡

國治亂風俗污隆約之
五卷歷歷可觀焉近世
民間非無私所著紀畧
類書獨奈其事冗雜其
文鄙俚觀者厭棄遂至

不讀也若夫正史卷帙
浩穰寒鄉僻邑不易購
求幼學鯁生難遽卒業
徒使此輩憾購書之
我邦無曾先之而松苗

能紹先志以著是編可謂

國史之階梯余門下嘉

我邦之曾氏也松苗繼

父祖官大舍人寮既叙

爵為之助尋以其累世

恩

志於儒道特

賜

命兼任大學子音博士

以松苗亦出余門下嘉

不墜家聲庶不虛

寵

恩今乃以是書進諸

關白藤公殿下既而聞

殿下奏

覽

之余不堪聳懼且敬喜

因勸速公之于世云爾

文政十季夏五月


正二位清原宣光撰

下奏



關白從五位下行右衛門少尉兼彈正少忠大石宣弘謹書

恩今氏以皇書



國史略序

我

大日本環海帶山

別具一寰宇

二尊開國察定

天孫繼統億兆尊戴

與天地無極矣若

夫海西之邦自稱

聖賢禮樂之域而
迄於季之世大義
堙滅篡奪相尋至
有歲一易主者宜

尼所謂周公其衰
也者非耶大學音
博士松苗今著是
編乃撮國史之要

省重從簡以便幼

學且令知所入


我邦中豈樂之久

上下守分黎庶安

業熙熙乎金甌無
缺之中禮樂之大
本長存焉所以冠
絕萬國也時對



文政九年春三月

前内大臣藤原公修撰



文政九年春三月
前内大臣藤原公修撰

從四位下伊豫守大伴成美謹書



前山以四百餘家以公府錄

文苑以辛春三月

國史略凡例

一此編專欲為童蒙史學之階梯耳其體本倣十八史略而無

義例也若夫晉乘楚檇國異事殊則書法亦不同矣况我與

彼乎故取捨詳略權其宜載之不拘彼例覽者察之此書唯譯國言

以漢語而已固不拘異邦史家又體書法也

一此編既以略為名務在簡約或節取其文或略記其意而以

不失其本義為要也異邦歷代正史野史同記一事其文似

相牴牾者甚多而至熟讀玩味則意歸一松苗竊倣之故於

譯文採用古今諸儒所作雅馴者如其事唯載國言諸書者

自譯以補之又舊譯文理不通者亦敢筆削改正且記文或

大書或細書非有綱目義例但便童蒙易讀耳

一諸書所載地名官名人物名之屬雖有不雅馴者不敢妄

改文字蓋恐失其本來面目也若有所改無害義理者也

原文義疑辭遊者亦不得不筆削焉先大夫龍溪嘗曰本朝上古不聞有結繩

之俗或謂別制文字而失其傳天武帝時所造新字亦不傳于世故文字皆取之於漢土且

假漢吳音以寫國言之真不譯其辭者猶佛書假漢字書竺土真言也翻以譯之則作漢語也六國史記事主以漢文

至人物名稱及宜命和歌等漢語國言相雜記之亦猶姚秦李唐所翻佛書

間雜彼真言也且如本文記譯語曰龜而自注國言此云龜

米者似有顛倒上客是適見唐譯佛書中有記其真言曰毗

羅拏羯車婆而注譯語此云龜之類以致其謬耳本文若有

不得不書國言者則法宜書葛米而注之以譯語曰漢云龜

故不遵舊例也
一凡事之顯著人所必考索者或世人所羨稱以為據者雖無
關名教政理亦復略采就事附年細書其下

一通鑑書法以國與人者子弟曰傳他人曰讓

朝終古

皇胤相承無有與他姓者故曰讓曰禪皆與傳同義也

一此書字傍多施譯語以國字左傍亦記譯語及和歌等者從

書肆之請耳國字謂假名假名即漢字草書更略其體者稱平假名或取楷書邊傍以寫國言者稱片假名

皆非國字今從俗假稱耳

一分注亦所自作有記父祖家說者有記先儒之說者各載姓

名又有以雖取古說筆削其文書或曰而不載姓名者又得

評論于親戚朋友之談話以記之者必載其人姓名不欲竊

他人說也又有其事不足論而猶且辨之者為訓童蒙也上

記標題及評評有直用經語者有假古人語者有取譬喻者無義例也

一此冊子松苗竊比國史之略故臣子皆書其名以繫之事從君前臣名之禮蓋史體書法不得不然

一西土之史皆以異代之人紀異代之事義無所忌避故取舍任情筆削如意如其國臣子記事每諱國惡多失事實如

皇朝

列聖相繼但如

武烈帝紀中不美者僅見一二然史官直書不諱亦董狐之筆

也哉乃從之記唯松苗編次所遺甚多以略為名故也

一注中稱贊曰者舊史論也稱圖贊曰者先大夫所著青雲圖

贊也

先大夫初服蓋袍時贊

今記之各條下可

美真手命道臣命曰武尊武內宿禰博上仁聖德太子
大織冠藤公淡海公舍人親玉和氣清麻呂吉備公阪上田

村麻呂昭宣公管公藤原利仁皇孫經基平負盛藤原秀卿
小野好古源賴義源義家藤原藤房源忠顯護良親王楠正
成兒島高德源長年新田義貞凡二十八人每首六言四句
自序曰屬讀國史有感於往迹歷贊文武名賢得二十有八
人其金東漢喫臺所列之數亦偶然耳若夫規
摸賢聖畫障而止辨內侍嘆息於地下予豈敢

一藤原氏以功臣之後多任高官宗族本支滋蔓繁衍故記四

家南北京式之後

皇后及大臣以下百官以至未入流陪臣等皆書名去姓者以

其赫奕于世略之耳不書姓者皆係藤原氏但如伊藤源平藤遠藤分其族為稱號者記之如源平

二姓亦甚為盛而更有興衰故不去姓如平清盛源賴朝其初見必書姓名後唯

書名者略文也

一如

天府朝太祖以神武撥亂反正翼戴

天子救生民於塗炭使天下後世蒙至治之澤其

盛德大業勝周文王三分天下有其二猶服事殷遠矣松苗

有志于謹略記其事蹟別作之一書使童蒙思其仁惠故此

書中事係

府朝者一切略不記讀者須俟他日所著云

一大名原謂諸國武弁豪族家世多領名田如列侯者若夫後

世武家世主郡國者即儼然有土之君也而亦通稱大名近

時操觚之士私稱諸侯是也然未聞

天朝

府朝

賜以侯伯之爵故此冊子從舊稱書以大名近世學者稱大名名家老為大夫

亦非禮也此書非叙禮
之人則不稱大夫也

一漢土歷代人主繼世必書繫之

本朝之年以便彼是併考而我

列聖在上書法宜降一等故書某國謚殂在通鑑無統之其統

不正則更降二等書某國主姓名卒篡賊胡虜則書死姬周

其王殂以無嫌于我天皇也漢祖誅無道之秦以開其基唐之化家為國名義未

全正矣而其國禮文大備與我通好宋受禪于周實逼其君

然屬諸人其主也國風歸厚明祖以本土人誅胡元而創業

是以四國皆從書殂之例如嬴秦司馬晉南北朝隋五代其

建國皆有天罪不得與漢明齒故從書卒之例與通鑑之例

固不同也西山公所著之史漢土人上既書殂其義大同小

異蓋尊本朝聖賢之史法也或請松苗曰漢土歷代國主雖

其邪正以之為標目耳且雖為人主外國之君與我不
通姪者無別有可敬之義書卒書死亦何所忌憚人有

一。天地間萬國各有君主以治其民而如海西歷代數革其命
及後世篡奪相繼故謂天下非一人之天下或謂王公將相
寧有種乎獨我。

皇朝自

天照皇太神創

業垂

統而

神武天皇初都中國一統天下歷世

天皇

正統一系亘萬世而不革天下即

一人之天下而

天子實天上之人也公卿大夫諸臣亦皆世家襲官其系或分

宗室或出

神代名臣千百年綿綿不絕

王公將相固有種也雖然國有治亂猶人有死生故雖君子

之國不能無亂源平私戰北條氏暴虐足利氏驕僭而衰海

內鼎沸是為三大亂太陽之明為雲霧所掩及豐臣氏興蕩

平全海內

朝廷

寵之以為關白

天皇乃

文
行
月
長
皇
國
心
三
日
之
各
一
五
五
年

文政新文 一 廣垣東園先生編次國史 四 月 卅 〇 三
幸聚樂第豐公自率諸豪雄服事

朝廷盟誓無背其建大功流芳百世故至

府朝益加尊崇其功之大百陪豐公

聖帝明德光被四表天日之光於是復盛松苗故止筆於聚樂

第會盟云

一松苗編次是書也初以

文政己卯卒業乃授書肆某刊行某偶有事故不果及

文政甲申之春門人故舊等促余不已因再命弟姪女婿外甥

等各校一卷以附剗今茲刻成魯魚之誤猶夥因復校正

者數次以公于世而猶或有遺漏今乃乞正觀者而已

一書中擡頭闕字等亦從略總空一字耳或違此例者校訂疎

脫觀者正之幸甚

文政丙戌季冬

從五位下行大舍人助兼青博士源朝臣松苗

識於平安寓街冷泉北東書樓

國史略目錄

卷第一

自

神代至

持統天皇

卷第二

自

文武天皇至

花山天皇

卷第三

自

國史略目錄
卷第一
神代至
持統天皇
卷第二
自
文武天皇至
花山天皇
卷第三
自

一條天皇至

順德天皇

卷第四

自

後堀河天皇至

後奈良天皇

卷第五

自

正親町天皇至

後陽成天皇幸聚樂第

目錄終

國史略卷之

從五位下行大舍人助兼音博士源朝臣松苗編次

弟 從六位下河内介源 言忠 校

神代

太極生
兩儀

國常立尊尊者上古君天地陰陽之未剖判也渾沌如雞子溟

滓而含牙乃至清輕者磳歷而為天重濁者淹滯為地有神聖

有名萬
物之母

生於其中號國常立尊又曰天御中主尊開闢元始之天

神也國狹土尊豐斟淳尊已上三尊曰獨化之神也泥土煮尊

神陽沙土煮尊神陰大穴道尊神陽大古邊尊神陰面足尊神陽惶根尊神陰

伊奘諾尊神陽伊奘冊尊神陰已上八尊曰耦生之神 諾冊尊

共立於天浮橋持天瓊杵探滄溟鋒滴凝結即成一島名曰碓

文斤川 長直良園 國史略卷之二

馭盧島之尊降居焉說時見鶴來止搖然後化生國土山

川草木及群神蒼生也諾冊尊所生有姪兒三歲脚猶不

天神相承者七代本朝謂世為代後皆倣此

天照太神一號大日靈貴伊奘諾尊長女御於高天原

太神之弟有素戔鳴尊生八握鬚鬚勇悍害物弱汚於新嘗祭

宮又屬太神自織神服剥天斑駒投諸室中太神驚動入

天石窟閉戶幽居焉六合之中不辨晝夜於是群神會天安河

相謀聚長鳴雞掘取香山五百真阪樹懸以瓊鏡暨青白幣設

療奏樂天鈿女命神名猿女命遠祖命執茅纏稍以蘿為手縊

是以蘿為帶也縊索也手縊漢云交結帶見大平御覽謂以帛帶交結胸前後

蓋此故事也作優於窟前歡笑甚樂太神微啓窟戶窺之手

日有食之伐鼓用幣

合ヒヒラキイワト

力雄命トカラヲ神奉カミナリ太神手強援出之因謫ミコトノテ素戔鳴尊於出雲ササノヘ諸神カミナリ

於ト使擢髮贖之ササノヘ尊乃至殿上ミコト聞哭聲甚哀往見翁媪擁カミナリ

一少女而泣ヒトリノオト翁名脚摩乳媪名手摩乳オノノミ問之則曰國有妖蛇頭尾オノノミ

皆八每歲來吞人予有八女既喪其七所餘唯是トモニヤウリト少女矣今亦ヒトリノオト

將為害故哭已ス尊曰若以女獻我我能為汝除害翁媪喜諾ミコト

尊乃變容為少女作八間棚屋下置八槽醞坐以待焉至期果有ミコト

巨蛇來飲酒醉睡オホナヘ尊拔劍斬蛇寸斷之至尾及少缺割視之得オホナヘ

一寶劍乃獻ヒトツバ太神高天原初蛇所在上常有雲氣故號是劍曰ミコト

天蓑雲劍ソラカサモウツクサ後ヒトツバ尊遂與少女婚築室于清ミコト作歌曰八ヒトツバ

雲起兮出雲兮八重牆兮與妻棲兮八重牆兮造營兮其八重牆クモモタツ

兮因留居焉ヒトツバ今ヒトツバ出雲國大ヒトツバ大已貴命オホナタケノミコト鳴尊之子或云五世孫或ヒトツバ

天生神

文文新刊 長直東國七三編大國各

藥 郊有醫

云六世孫或云七與少彥名命神名今京師五經營國土愛惜人

物禳災療病定醫藥禁厭之方百姓聊賴○及人皇世尊崇

太神以配日稱曰日神正哉吾勝速日天忍穗耳尊素戔鳴

尊所生太神取以子養之天彥火瓊瓊杵尊天忍穗耳尊之

子時高皇彥靈尊忍穗耳尊如梯幡也使武甕雷命常陸國鹿嶋

經津主命總國所為天孫即尊也瓊瓊前驅至出雲國大己貴

之子事代主命勸父避位讓國事代主命遊行在於出雲太神

乃賜尊以八咫鏡曰視此鏡猶視吾又副叢雲劍與八咫瓊曲

玉於是天孫率天兒屋命太玉命天鈿女命石凝姥命諸神降

至高千穗岑山在日向國猿田彥命神迎導武甕雷命經津主命與

諸神攘除殘賊強暴惡神平定豐葦原中國日本舊號而崩彥火火

三種神 寶之始

出見尊瓊瓊杵尊第三子娶海神女名豐生尊不合尊且

得滿洞二瓊國民富安初尊自有山幸兄火闌降命有海幸

幸猶利謂自然之福利二人相謂試相易之互換弓箭與釣

也山幸獵利海幸漁利鈎闌降入山而獵無所獲乃還弓箭尊既失鈎於海新造而

償焉闌降弗受急責原鈎尊大憂悶行吟海畔遇鹽土老翁

告以事情翁為造無目籠盛尊沈諸溟中至海神宮海神鋪

祭神座有八重以尊座今新嘗海神妻以長女居三歲矣得所失之鈎及

潮滿瓊潮洞瓊二寶而還海神集大小之魚以求尊所失之

威德大盛終能撫綏中國而崩彥波斂武鸕鷀

草草不合尊火火出見尊之子也初父尊將歸豐玉語之

曰妾已有娠矣當以風濤奔騰之日到岸請營產舍見待既而

文斤川 婁巨更 國三篇 久國 各二卷 三 婁巨更 婁巨更

豐玉果至臨葶戒勿來看而父尊竊往覘焉見一龍擁兒盤

曰遠躍入海去其舍葶以鷗羽茅草未及覆合莞尊已生故號

地神凡五代或云天孫降臨以來一百七十九萬二千四百

七十餘載而時方鴻荒史籍未全備事跡之詳不可攷

人皇

神武天皇神代本磐紀彥火火出見天孫○神武至桓武每

尊號也後帝前大書某天皇者追謚也其下細書某天皇者舊

皆倣此彥波瀲武鸕鷀草葶不合尊第四子也母玉依

姬帝生明達意豁如也○元年辛酉東周惠春正月庚辰朔

即位於橿原宮奉天璽鏡劍于正寢群臣朝賀松苗按以璽劍

寶器者漢上亦有似焉西京雜記曰漢帝相傳以秦王子嬰所

奉白玉璽高祖斬白蛇劍大戴禮曰武王踐祚於鑑為銘焉銘

示弱禮祭神祇日負日神之威隨退軍草香津河内轉攻名

影討之如是則不血及虜必自敗矣

草邑戸畔名菟田名縣主之號兄狛以為害弟狛告之帝乃

責兄狛曰爾所造屋爾自居之按劍潛兵入吉野既出破八十

皇帥於國見丘皆誅之越墨坂斬賊兄磯城旋軍復攻長髓彦

連戰不利會天陰雨水武津津身命鴨縣化為大鳥翱翔軍前

以為鄉導帝稱贊名曰頭八咫鳥日臣命大津祖隨靈鳥所去

伐木披榛導帝及諸軍遂以啓行賜名道臣饒速日命斬長

髓彦帥衆以降初長髓彦遣行人示帝以饒速日命所持

天神矢鞞帝亦以所御示長髓彦校之同其製乃知彼此皆

天神之裔而信無偽饒速日欲歸順長髓彦不從以故見殺於

是分遣將卒悉滅國中諸賊有土蜘蛛者在波多岬和珥坂臍

忠臣化 孝鳥

自作孽 不可活

見岬三所。又有高尾張名地蜘蛛為人身短而手足長並恃勇

力不肯來降皇軍結葛網以掩殺之紀未年相地大和畝傍山

東南播原經始帝宅至是行即位之禮可美真手命物部氏始祖

圖贊曰靈彼矢箠視真知緯天衍懿道臣命圖贊曰憶昔際會

親督帥糾糾武臣虎賁威繇是振皇軍附鳳彩摯龍文等掌禁軍警衛立皇后媛蹈翰五十鈴媛

命宇號○二年定功行賞頭八咫鳥亦與焉○以可美真手命

天日方尊日方命並為申食國政大夫大臣以珍彥東征時

和部為大和國造官掌祀神治民後世置國司○天種子命

天富命侍左右執政天種子命裔大屋振○四年祀皇祖

天神蓋皇高祖天照太神也詔曰我皇祖之靈也自天降

鑒光助朕躬今諸虜已平海內無事可以郊祀天地申大孝者

郊社之禮事皇祖

立后

文所引... 皇祖

也乃作靈時於鳥見山○九年周惠王名名殂先是是為為大大戎

子壬子鄭立四十二年我我天天皇皇四四十十三三年年也也問問無無此此殂殂謚謚襄襄王

子壬子匡立四十八年殂殂謚謚項項王子王子班立五十四年殂殂謚謚匡

王弟王弟瑜立七十五年殂殂謚謚定定王子王子夷立是為簡王○七十六

年春三月天皇崩明年丁丑葬畝傍山東北陵延喜式曰北

守南北二町守戶五烟○北城天皇始一統天下以創萬世無

窮之基業壽百二十七歲贊曰神世之事遠邈眇忽者謹古

謀伊弉册二神開闢宇宙生成万物皇孫瓊瓊杵尊離天磐座降

而七於瑞穗國皇孫授天重鏡劍以紹寶祚之隆器則三道

則其旨遠矣然鴻荒之世天造草昧爾醜類未皇化雖

盱跳跟暴殄天物神武承神聖之烈奮東征之略不數年而

掃蕩妖邪恢廓丕業迺偃武敷教撫育黎元光宅區夏定天

有功奉安三器以開乃世之基盛德大業至矣哉聖人作而乃

國家將
興必有
禎祥

物也覆載之功與天地合其德可謂創業垂統規摹宏遠矣○
松苗曰德為聖人尊為天子富有四海之內宗廟饗之子孫保

之故大德必得其位必得其祿必得其名必得其壽是孔子
贊帝舜之語今宜以贊我皇祖也若夫舜為聖人猶不能使

其子孫續踐祚唯我皇
統與天地悠久嗚呼盛矣
帝嘗不用水而造飴祝曰飴成則

吾必不假鋒刃之威坐平天下飴即自成又沉嚴瓮於丹生之

川祝曰吾得能定此國則魚無大小皆醉而流須臾魚盡浮出

隨水喻如魚按嚴瓮盛酒器也出喻皇太子立是為綏靖天

皇

綏靖天皇神序各先帝第三子也母媛躋翰五十鈴媛

皇后 天形容魁偉志尚沉毅武藝過人在儲位三十四年

天資純孝及先皇崩專留心喪事悲哀無已至是即位初以

庶兄手研耳命久習朝政諒闇之間委事行之因擅張威福包

之文
行司
長且
東國
之
三
篇
之
國
之
各
長
之
一
長
且
東
國
之
三
篇
之
國
之
各
長
之
一
長
且
東
國
之
三
篇
之
國
之
各
長
之
一

藏禍心圖害二弟。上陰知之。山陵事畢。與母兄神八井耳命

謀射殺之神八井耳命。稱其勇武而服。先帝不立已而立弟

為嗣。元年徙。帝居于葛城。號曰高丘宮。和葛上郡○尊

皇后為皇太后。○三年以湯彥支命為申食國政大夫。可美真手命之

子。○十年周簡王殂。子泄心立。是為靈王。○三十一年周孔子

生。朝廷後世用唐封稱文宣王春秋釋奠以尊崇儒道故謹大書夫子生卒○三十三年天皇壽

八十四歲而崩。夏五月葬高市郡桃花鳥田丘上陵。明年十月皇太

子立。是為安寧天皇。

安寧天皇。磯城津彥母。皇后五十餘。依媛事代主神之少

女也。即位之元年遷下片鹽。和郡謂之淨孔宮。○三年立

皇后淳名底仲媛。后鴨王之女也。○四年以出雲色命為申

王長子去疾立弟叔帶弑之謚哀王叔帶自立三月少弟嵬又

殺之謚思王嵬自立五十年殂謚考王子午立七十四年

殂謚威烈王周室愈微諸侯爭強號戰國子驕立是為安王○

八十三年秋八月 天皇崩壽百十四歲葬掖上博多山上陵

按書紀葬天皇事在孝安天皇三十八年緩甚可疑舊事紀為明年八月當為是 皇太子立是為

孝安天皇

孝安天皇 日本足彥 先帝第二子也六十八年立為皇

太子至是 即位母 皇后世襲足媛尾張連遠祖瀛津世襲之

妹也○二年遷居于室 室者地名在大和葛上郡 以秋津嶋為宮號○十七

年周安王殂子喜立 二十四年殂謚烈王弟扁立是為顯王

○二十六年立 皇后押媛天足彥命之女也○七十二年周

顯王殂子定立。七十八年殂。謚慎親王子延立。是為赧王。○

一百二年春正月。天皇崩。壽百二十七。葬玉手丘上陵。屬大和葛

上郡帝得壽超絕古今人主。○是歲冬。皇太子占黑田。大和城

作廬戶宮。明年即位于此。是為孝靈天皇。五十二年

孝靈天皇。本根子即位。○五年。世俗傳是歲駿

河國富士山湧出。近江國湖水開。○三十五年。秦主嬴稷攻

周赧王。奔秦。盡獻其邑。周凡八百六十七年而亡。○七十年。秦

主嬴政遂并趙韓魏齊楚燕六國。盡作郡縣。自稱皇帝。政實費

人呂不韋之子也。○七十二年。秦人徐福來。或云徐福童男

典來聘。福求藥不得。遂留不歸。或云○七十六年春二月。大皇

壽百二十八歲而崩。葬片丘馬坂陵。地屬大和葛下郡皇太子立。是

徐福歸化豈思暴秦

文文并刊長且良國七三編大國之各卷之二

為 孝元天皇

孝元天皇

大日本紀 孝元天皇

皇后細媛磯城縣主大目女也。

即位之元年 帝既六十一歲○四年復宮于輕稱曰境原○五

年秦主嬴政死少子胡亥立是為二世○七年立 皇后別色

謎命○九年漢主劉邦高祖破秦并是秦臣趙高弒胡亥立子嬰

子嬰乃誅趙高至于是降于漢秦亡○二十一年漢高祖殂于

盈立 十七年殂謚孝惠母呂氏為政 三十五年殂高祖第

三子恒立是為孝文○三十九年夏六月雪○五十七年秋九

月 天皇崩壽百十七歲葬劍池嶋上陵在大和高市郡 皇太子即

位是為 開化天皇

開化天皇

大日本紀 開化天皇

即位之元年造宮于春日率川移居

焉其源出自春日山○前年漢孝文殂子啓立是為孝景○

六年立 皇后伊香色謎命○十七年漢孝景殂子徹立是為

孝武改元曰建元漢年號始此○六十年夏四月 天皇崩壽

一百十五歲贊曰 綏靖英毅果斷負荷大業與母兄神八井耳命協謀立 誅罪魁天位以正尚武之稱不亦宜乎

安寧 懿德 孝昭 孝安 孝靈 孝元 淵然冲靜誕敷至化政令簡朴其民皞皞如也 開化七帝

緒蘊 列聖之耿光無為之德不宰之功人葬春日率川坂上莫能得而名焉垂衣裳而治者其在斯時乎

陵 皇太子立是為 崇神天皇

崇神天皇御間城入彦五 先帝第二子二十八年立為 皇

太子至是 即位○元年立 皇后御間城姬命大彥命之女也

○三年徙于磯城大和郡以瑞籬名宮○四年 詔曰惟我

皇祖諸天皇光臨宸極者豈為一身乎蓋所以司牧神人經綸

以一人治天下
垂拱天下治無事可
五車妻辛

不以天
下奉
之謂

聖世亦
有饑疫

天下也。故世聞玄功時流，至德今朕奉承大運，愛育黎元，以欲

津遵皇祖之跡，永保無窮之祚。其群卿百僚，竭爾忠貞，共安

天下。○是歲以建膽心命為大禰官名，田畔命為宿禰多田畔一作

者官名也。後用以為姓氏之別。稱連名或姓。下呼之以別氏族之貴賤。通謂之姓。○五年天下饑疫盜

賊起。天皇大懼，脩德祭群神，賑庶民。既而疫息，穀稔，群盜悉

平。帝請罪神祇，祭八十萬神，定天社國社及神地。神戶於是疫息。本朝謂神祠為社者，多後皆倣此。○六年祭

天照皇太神于大和笠縫邑。初，神祖賜神寶於瓊尊以來

十世，同牀起卧，未嘗須臾離也。至是懼褻瀆，摸造劍鏡以置御

牀，而命皇女豐稻入姬齋，戒載真寶奉祀。或云神鏡及劍，豐藏

神尊，祖奉天之道也。君臣良慎之要，國祚久長之幾，皆所係焉。帝畏神威，遷三器於笠縫邑，別摸國寶以安殿內，誠敬神之

至也。聖子神孫相承傳於無窮，而人神相遠之漸亦○九年基于此。後王其可不良，帝敬恪，神祇之故乎。

以赤盾八枚赤矛八竿祀墨坂神又以黑盾十枚黑矛十竿祀

大坂神解云皆儀仗今朝廷儀仗皆用黑漆也○十年始置四道將軍已遣大彥

命巡按于北陸武渟川別命于東海吉備彥命于西海道主命

于丹波皆授印綬○武垣安彥反伏誅道主之發京也途聞安

彥抗兵從山背妻吾田自大坂共襲帝京上即命五川狹

芥彥邀吾田于大坂斬之大彥及彥國葺率軍至輪韓川南彥

國葺與安彥相射矢貫安彥宵斃焉賊軍敗走餘衆咸降○十

一年漢孝武殂子弗陵立是為孝昭○十二年大有年校人民

科調役○十七年詔諸國造舟船○二十四年漢孝昭殂孝

武曾孫病己立四十九年殂謚孝宣子奭立是為孝元○六

十二年下詔河內穿池通溝略曰農天下之大本民所以生

五車... 卷之一... 十... 五車...

也今河内狹山水少百姓急農事其多開池溝冬十月造依

折池坂池坂○六十五年任那西海之夷國貢獻○是歲漢孝元殂

子鷲立是為孝成○六十八年冬十二月天皇崩壽一百一

十歲明年葬山邊道上陵在大和城上郡天皇識性聰敏有雄略且

謹慎崇重神祇風雨順年穀豐家給人足天下稱謂御肇國

天皇言御皇祖所始之國能致此泰平也孝元皇女倭迹

帝之姑也為大物主神之妻姬一夕語神曰君常以夜至王貌

不得分明神曰吾明且入汝擲等而居姬心異之至且發之則

有美麗小蛇蛇等中姬大驚失聲神忽化人形曰汝何辱我

我亦辱汝乃踐大虛登于御諸山是事雖怪誕書紀所載故略

垂仁天皇先帝四十八年詔二皇子帝及兄各獻吉夢帝得經營四方之祥帝為入倜儻大度率性任

德變美服

五風十雨比屋可封

真無所矯飾。先帝素愛之，遂立為皇太子。至是，即位。

珠城唯以美名

年遷宮于纏向。大和郡名以珠城。○任那使人蘇那葛智前朝

耳節儉

來貢獻，仍留寓焉。至是，厚賞遣歸，且以赤絹一百匹賜任那主。

之世豈飾珠玉

新羅途劫奪之，二國相仇始此。○三年，新羅天日槍新羅世子來歸。

挾穗彦伏誅

獻玉暨鏡槍等物。○五年，挾穗彦伏誅。初，挾穗彦以皇后兄

恃寵驕侈，嘗問后曰：「汝於夫與兄孰最親愛？」后素渥於親

對曰：「兄也。」彦遂說誘謀篡奪，授以匕首繫綵組。一日，帝枕

后膝而寢。后悲懼，交至淚墮。點帝面，驚寤曰：「夢一小蛇色

如錦，繞于朕頸。大雨從挾穗來，澆于朕面。」挾穗蓋后兄，是何

祥也。后恐懼，伏地泣告。其實小蛇即匕首，雨是妾之淚也已。

皇后曰：妾不能違兄之志，亦不得負陛下之恩。告之則殺兄，不告則傾社稷。是以悲懼交至。帝曰：「是非女

罪也乃 勅上毛野八綱田三字姓狹穗彦三字名積稻成城嬰

以死守踰月不降 后亦抱皇子投城中八綱田縱火於城

后送出皇子城外曰妾奉皇子在此者欲寬兄誅也今乃不得

兔ル因奉還之遂與兄焚死○七年大和有當麻蹶速者長大多

力自以為天下無敵詣 闕請比試乃令郡國擇其對出雲薦

野見宿禰與蹶速相撲踢折其肋骨斃之遂被擢用 廷觀相

撲蓋始于此○二十三年 皇后狹穗姬所生譽津別王年既

三十猶啼如兒常不言是冬有鵠鳴度大虛王仰視曰是何物

耶 帝喜其得言命天湯河板舉者捕鵠因賜姓鳥取○是歲

漢孝成殂子欣立是為孝哀○二十五年建 天照太神宮於

伊勢五十鈴川上蓋上古 皇太神始自天降之地也今 内

王為兒 時蓋在 軍中病 驚痛也 宗廟 伊勢

以十驕 入者必

兵器為神幣

禁殉死

官即其處○二十七年命祠官卜兵器為神幣吉兵器以祭神

祇始于此也○二十八年皇弟倭彥命薨近臣數十人生理墮

中愁吟之聲日夜不絕上聞而憐之乃勅禁殉死松苗曰明英宗

臨終遺命勿以妃嬪殉葬其臣李賢曰真盛德事也即此一事尤高出千古矣不知先是千四百六十五年我皇朝既有

此盛德事而為如是言寔足可笑蓋漢土人識見多矣皇后

日葉酸媛崩因野見宿禰請徵出雲土師百人埏埴以造車馬

人物等形樹之墓次名曰樹物又曰埴輪賜野見宿禰姓曰土

部臣○二十九年漢孝哀殂孝元庶孫箕子嗣是為孝平三

十四年為其臣王莽所毒孝宣玄孫嬰嗣莽自稱假皇帝○三

十五年饑詔諸國發倉穀賑貧民又令諸國開池溝勸農○

三十七年漢王莽篡立國號新廢孺子嬰○五十四年漢孝景

大力武人不必暴一樹物

文文所引最良東國正三編大國各卷二

六世之孫秀誅王莽復國是為後漢世祖光武 八十六年殂

子莊立是為孝明○九十九年秋七月 天皇壽一百四十一歲

而崩葬菅原伏見東陵在大和添上郡○贊曰垂仁生而岐

非人力之所能致也至其以土偶代殉葬則惻怛之田道間守

嘗奉勅求非時香果於常世國松苗曰常世國或以為蓬菜

也及采得歸上既崩乃拜陵哭泣而卒○皇太子立是為

景行天皇

景行天皇代別彥忍母 皇后日葉酸媛丹波道主王之女也

狹穗姬自相傳 帝身長一丈餘脛長過四尺立播磨稻日大

郎媛為 皇后生二男雙胎也兄曰大碓弟曰小碓小碓亦及

壯身長一丈力能扛鼎此本○四年 幸于美濃既而還

齊求橘仙

弟媛世
外佳人

纏向更宮名曰日代帝在美濃幸佳人弟媛媛未幾謂帝

美志亦貞潔宜充後帝聽之即為妃○五年後漢孝明殂子烜立是為孝章○

十二年熊襲叛熊襲日向國郡名九國亂帝親征至周防本國女賊

神夏磯率部落迎降用為鄉導進軍豐前國長峽縣又有碩田

地名女將速津率兵迎駕勸土蜘蛛打援等諸賊遂至日向造行

宮以居焉號高屋宮誅熊襲酋及其女餘衆咸降海濱人上腹赤魚

腹赤魚漢云鱗後元惡已戮滅而草寇猶多駐蹕于高屋凡六

年巡撫招納西州咸平筑紫後國有僵樹長九百七十丈百僚

之前當朝日暉則隱杵嶋山當夕日暉則覆明年還于京○十

八年後漢孝章殂子肇立是為孝和○二十五年遣紀武內宿

禰巡察北陸及東方諸國○是歲熊襲復叛遣皇子小碓征之

文文新刊 履且東國七三編大國各 卷二 上

皇子時
刺死賊

寶劍神
威

貞妾死
難

皇子時年十六。女裝竊入其國。刺梟帥川上。殺之。諸叛咸驚服。

○三十六年。後漢孝和殂。子隆立。八閱月。殂。謚孝殤。孝章孫祐

嗣。是為孝安。○四十年。東夷叛。拜皇子小碓。征夷大將軍。征之。

帝親授斧鉞。令吉備武彥大伴武日副之。皇子先到伊勢。拜

皇太神宮。往邸。駿河浮島原。虜乃偽降。誘皇子。令獵焚原。圍取

之。皇子抽叢雲寶劍。剪伐草莽。爾後更名草薙。又鑽燧縱火。會

大風起。烟焰反掩賊軍。眾乃乘勢奮擊。虜大敗。奔散。自相摸。泛

海而東。風濤大作。船殆將覆。沒。龍姬橘媛曰。恐是龍神為祟也。

請妾當之。言訖。自投于海。暴風即止。得濟。至上總。轉入陸奥。至

鰐夷境。名夷。兵勢甚熾。虜畏怖。請服。俘酋長餘。皆釋。復其所。邊境

乃安。皇子還至碓日嶺。東望懷橘媛。嘆曰。吾孀已矣。後人因號

皇于半
東夷

東陸曰吾媛國也作婦今於是分道巡按北方諸國遣吉備武彦

於越國皇子親巡信濃皇子入信濃經大山山神化白鹿苦皇子

有白狗有導皇子至美濃與武彦遇聞近江膽吹山有妖神徒

行而登神為巨蛇當道皇子一跳而過之中毒霧出山而病子

中毒發失意如醉得飲山下之泉醒因號曰居醒泉今醒井是也遂適伊勢獻俘於神宮既而

病劇遣武彦復命于京終薨于能褒野伊勢地名時年三十帝大

悲悼即詔葬准天子禮號曰日本武尊用尊字者皆係君上之稱○圖

贊曰刺強虜夙稱雄揮寶劍回炎風造陵于能褒野忽有白鳥

短折雖福不終禮贈與至尊同造陵于能褒野忽有白鳥

從陵出飛往大和群臣發陵而視之唯空棺耳因觀白鳥所止

造陵于大和彈琴原又去至河内古市亦造陵其處時人號三

陵皆曰白鳥陵○五十一年以武内為棟梁臣衡保○五十三

白鳥陵

文文所刊 養直東國記三編之國記各卷之二

年東巡狩。歷覽日本武尊所平之國。明年還京。○五十五年。

後漢孝安殂。子保立。是為孝順。○五十八年。幸于近江。○六

十年冬十月。崩于志賀高穴穗宮。葬大和山邊道上陵。在郡

○贊曰。蓋當此時。去上世未遠。魑魅魍魎物怪神姦布。漢山澤

神人雜糅。景行英武。天縱智勇。兼資不憚。跋涉之勞。親征西

陲。指授方略。善擇將帥。遂使日本武尊征伐東夷。崩角脫距。

殲魁剪兇。妖氛廓清。四海寧謐。神武奄有中州之業。于是有

夏禹倖矣。帝生男八十餘人。皆有得壽一百六歲。皇太子

立。是為成務天皇。成務天皇。先帝第四子。母皇后八坂入媛。即位於

成務天皇。近江志賀。遂都于此。○三年。以武內為大臣。官名猶秦漢。武內

與帝同日而生。隨長被寵。○五年秋九月。令國郡立造長縣。邑置稻置。造長稻置皆官吏。並賜楯矛。以為表界山河分國縣。

置造長稻

邑置稻置。造長稻置皆官吏。並賜楯矛。以為表界山河分國縣。

並賜楯矛。以為表界山河分國縣。

隨阡陌定邑里東西為日縱南北為日橫山陽曰影面山陰曰

背面是以百姓安居天下無事○十五年後漢孝順姐子炳立

年甫二歲三閱月而歿謚孝冲母梁氏迎立孝章玄孫續明年

其臣梁冀弑之謚孝質又立孝章曾孫志○三十七年姐謚孝

桓孝章玄孫宏嗣○五十九年歿謚孝靈子協立是為孝獻國

大亂○六十年夏六月天皇崩葬大和狹城盾列陵在漆下郡

曰成務毓德儲宮志慮周遠界國郡閔阡立首長定等差

渾泱遐邇民志定矣蓋崇神分征四道之烈至景行而彌

著救寧黎庶之德至成務而益隆若○天皇壽一百

七歲無子嘗以日本武尊第一子立為皇太子太子身長

十八二肖父尊至長即位是為仲哀天皇

仲哀天皇天皇后母兩道入姬命帝性至孝以父日本武

尊早世哀慕不已至使諸國貢白鳥以有尊化白鳥之異也

○即位之元年以大伴武以爲大連大連官名與大臣紀武

二年幸越前角鹿皇后及百寮從焉行前廣號等銀又巡狩

于南至紀伊將討熊襲是時復叛不朝貢故也泛海至穴門豐浦穴門今

皇后得如意珠海中造行宮居焉○八年在筑前香推行宮

會群臣議討熊襲有神告皇后令先攻新羅天皇弗從進

討熊襲弗克而還九年春二月天皇崩壽五十二葬惠我

長野陵在河內丹南郡○贊曰景行東征西討不逞專處恃

哀以皇姪入幕大統躬屬彙觀周旋險夷大有其父日本武尊之風遠略未振崩于行宮惜哉皇后密與

諸大臣議秘不發喪使大臣武內奉梓宮至穴門殯於豐浦

宮而自將西征遂從群臣請以攝君位是爲神功皇后

神功皇后氣長宿禰王之女母葛城高瀨姬開化天

皇之曾孫 仲哀天皇之后也 后幼而聰明容貌壯麗先帝

在位九年而崩于行宮 皇后痛悼以謂不循神教得譴而崩

廼齋于小山田邑禱請群神又得神教命鴨別將兵討熊襲

旬日而服尋擊羽白熊賊及土蜘蛛田油津姬等諸賊誅滅

之 皇后至松浦縣玉島邑小川涯投釣以釣卜征新羅之吉

凶乃獲細鱗香魚也大悅還至檀日浦臨海祝曰吾奉神祇之教

賴 皇祖之靈躬自總戎航海西征若克得所欲髮分為一倂

沐于海則鬢髮自然中分便結兩髻作男裝親執斧鉞臚船誓

師皇后令二軍曰金鼓無節旌旗錯亂則士卒不整貪財多欲

自服勿殺進鬪者必有賞背走者必有罪 后有娠垂十月輒取石挾腰因祝曰凱

皇祖 武亞 皇后神

海如有 梳石可 護胎

長生 皇祖 武亞 皇后神 海如有 梳石可 護胎 自服勿殺進鬪者必 有賞背走者必有 罪 后有娠垂十月輒取石挾腰因祝曰凱

新羅降服

旋生於茲是後皇遂率諸軍西討從和珥津發徑至新羅戰

艦蔽海鼓聲震天新羅主大驚面縛迎降左右欲兵新羅主

之不祥乃釋其縛遂入國中封重寶叩頭誓曰設令大陽出自

西鴨綠江朝鮮名逆流無礙朝貢不章舟楫獻馬梳馬鞭於天廐

之隸後世子孫若渝此盟天神地祇共殛罰焉皇后乃樹所

杖矛於城門而還新羅人畏服不敢撤新羅主使其貴臣來為

質年貢船八十艘以為永制也載金銀綾羅縑絹及絲色具等物皆有定額高麗百

濟二國名與新羅為隣皆納款曰永稱西藩不絕朝貢○是歲冬皇后

至筑紫生皇子即應神天皇也○攝政元年皇后帥群臣

奉梓宮泛海歸京○虜坂忍熊二皇子應神帝相謀起兵將

邀擊后軍乃獵菟餓野虜坂為赤猪所咋遂喪其身軍士

其矛世畏彼船年貢

二度兄作亂

咸驚異。忍熊便返軍攝津住吉。皇后聞之使武內懷皇子。

航海趨紀伊。后自督舟師直指難波。忍熊退軍山背菟道。

皇后南詣紀伊命武內及武振熊將兵往擊之。忍熊敗走自投。

淡海瀨多渡口。○三年立皇子譽田為皇太子。都大和磐余。

十市○二十年後漢曹丕迫其君劉協孝獻篡位國號魏漢前後

合二十四世四百二十六年而亡先是不父操與蜀劉備吳孫

權鼎立爭衡是為三國。○二十一年蜀漢主劉備自稱帝前漢

孝景之遠裔也。二十三年殂謚照烈子禪嗣是為後主。○四

十六年遣斯摩宿禰于卓淳國。釋曰任那國之別種也○四十七年百濟

使與新羅使共入貢。皇太子大喜曰先帝所欲國人今來

服痛哉不及見群臣皆為掩涕。○四十九年新羅不朝將軍荒

帝至孝

文所引... 卷之二

田別鹿我別姓將徂征破之因乎定比自焯音盆南加羅味國安

羅多羅卓淳加羅七國各任那十國之仍移兵西廻至古奚津者南

百濟以賜百濟百濟王登古沙山坐磐石上盟曰若敦草為

坐恐見火燒取木為坐恐為水流故坐磐石以盟表長久稱臣

之信也爾來朝貢無闕今不一二三韓既臣皇命也○五十五年

百濟王肖古薨明年子費須立○六十二年新羅不朝遣襲津

彥伐之○六十四年百濟王費須薨子枕流立六十五年薨

子阿花年少叔父辰斯篡位○是歲晉主司馬炎滅吳自稱帝

先是蜀為魏所滅炎父昭弒其君曹髦迎立曹璜在位六年炎

篡立魏亡○六十九年夏四月皇太后崩年一百歲葬挾城

盾列池上陵在人和添下郡○贊曰皇后綏我託能盪定熊

百濟降

稱藩朝貢夫兵猶火也弗戰將自焚也皇后藏于戈於武庫
而四海無復烟塵之虞征韓雖非先帝之志而武功足以快

隆其業矣皇太子立是為應神天皇

應神天皇仲哀天皇第四子也帝生而臂上突隆起

如鞞狀蓋以感母皇后戎裝也時俗謂鞞為譽田故以為號

又稱胎中天皇年甫三歲立為皇太子幼而聰達玄監深

遠動容進止聖表有異在儲位六十七年至是即位○元年遷

輕之宮以豐明名之此地舊有曲○三年鰥夷入朝貢方物○

是歲百濟王辰斯失禮于天朝於是遣使責之國人輒殺辰

斯以謝天使便立其同姓阿華為王而歸○七年高麗人任那

人新羅人來聘乃詔紀武內領諸韓人充役作池名曰韓人

池在大和國城下郡唐○八年百濟王使其子直支來聘入侍

胎中尊
流臂上
戎容

胎中天
皇却在
儲位六
十七年

五車妻辛

于朝○九年武内弟甘美内讒武内于帝曰臣兄覬覦非

望密謀招三韓令屬於已據有九州之地而後東吞中原於是

遣使案驗有壹岐直真根子者貌絕類武内惜其忠而被誣自

殺欺天使以救武内武内乃潜東歸詣闕訴冤然兄弟爭辨

莫斷其曲直矣因祭神祇磯城川上令二人探湯以詛盟甘

美内手爛武内無傷後世湯起請是也即勅復召訓責甘美内

黜之○十四年百濟弓月君秦主嬴政之裔率其族歸化分置

諸郡即使養蠶織絹貢之俗稱曰縫女稱秦氏○十五年百濟

王阿莘使阿直岐貢良馬二匹阿直岐通覽經典皇子稚郎子

師之帝更徵王仁明年王仁入朝獻論語一卷千字文一卷

松苗按是時先梁周興嗣二皇子受學經典帝遣使百濟召有

宇宙第一書始

入神

百年餘蓋鍾繇所製者也

奉旨遣其孫辰孫王名智宗王入朝帝以為皇太子
之師於是大闡儒風辰孫王曾孫生三子從此分為三姓此事

見延曆九年紀或云○是歲百濟王阿莘薨帝召直支曰汝
辰孫王蓋王仁也

還國嗣位發兵護送之○十九年幸于吉野國操人獻醴酒是

後屢詣京獻栗菌及香魚之屬至今正月御宴有奏國操獻之

儀國操村名在吉野川上夾兩山之間○二十年晉主司馬炎死子衷孝惠○二

十五年百濟王直支薨子久爾辛立年幼母與執政臣姪諂暴

戾帝聞其政亂召之○二十八年高麗使至表文辭甚倨詰

責使者壞其表○三十一年新羅貢造船良匠先是令伊豆國

造船長十丈疾行如馳號枯野而既朽壞不堪官用於是毀船

為薪用以煮鹽頒賜諸國改作船工就悉集于攝津武庫港會

有新羅貢使來泊焉且失火延燒所作船五百艘新羅王聞

文新川 長直東國元三編大國各二卷之一 十九 五巨婁辛

而大驚乃有此獻初解船為薪之時有焚而不燼者異而獻之

帝勅作琴果良材也○三十七年晉主司馬衷孝被毒殺弟熾

懷立○是歲遣使於吳求織縫之工天使先入高麗高麗人導至吳地及帝登退之後

得女工四四○三十九年百濟王使其妹新齊都媛入仕○四十

年立稚郎子為皇太子使大鷦鷯輔之太子之兄也天皇

在位四十一年崩春二壽百十一歲葬惠我藻伏山岡陵在河

紀郡○後至欽明天皇朝立祠于豐前國宇佐號八幡太

神宮又至清和天皇朝造神廟於山城別山稱石清水宮

歲時奉祀顯揚聖德○贊曰仲哀崩應神降誕胎中天皇

之稱見靈異於聖表時皇太后攝政立應神為皇太子

其義不可得而開也蓋上古淳素固非後世爭食天位之比而
太后英烈政自巳出應神未正位號而母子之間終無嫌隙
也及太子崩帝方七十歲而登宸極歲月之久在常人
則不勝年萬齒頰之歎而曾無形迹展於史策怡怡色養能盡
歡宗其意若曰太后長存則吾終身為諸貳唯朝夕問安視
膳是務而已及百濟新羅朝貢慨然思慕乎先帝之不能及

八幡太
神宮

見至使廷臣感泣不謂之純孝至德之君乎當時干戈既戢而阿直岐王仁慕化而來又教之興適在此時殆天所以啓昌

運轉松苗嘗有聞義祖父其言曰我邦自神代教人無以直為主寔萬世不易之至道也今考之經傳尚書洪範曰無反

無側上道正直詩小雅曰靖共爾位正直是與神之聽之式教以女左傳曰神聰明正直而壹者也由是觀之正直即衆德之

基也而及人皇之世漸移民向巧偽政事亦繁僅用正直一教則法則不備故帝始召博士於西藩教授經典於皇太子

子以興明倫之學爾後為政必由儒道用義禮樂之教譬諸卜築猶如就正直之地建仁義之家遂以儒道為治國之正典

可徵焉後世遣使于唐命留學生益明斯道者帝固創之嗚呼與帝寔為萬世億兆君師故於列聖中特廟祀之帝

嘗問大鷦鷯尊汝等愛子耶對曰甚愛之又問長與少孰最

愛曰長者多經寒暑既為成人更無憂矣唯少者未知成不故

甚憐之帝悅尊性孝知帝欲立稚郎子為太子故對如

是皇子大鷦鷯即位是為仁德天皇

大文新刊 卷之二十一 仁德天皇

仁德天皇

大鷦鷯天皇 帝之誕辰和菟入產殿大臣武内同

以為後葉之契

先帝第四子也母皇后仲姬先帝既崩會大山

守謀反

天皇知其謀密告皇太子備兵誅之皇太子推

郎子避之菟道讓位于天皇曰大王仁孝遠聞宜為天下之

君矣且昆上而弟下聖君而愚臣古今之常典也大王勿疑

天皇曰先帝謂天位不可一日空故預選明德之王為貳

我雖不敏何違先帝之命敢從弟王之志乎固辭弗嗣互相

讓空位垂二年自先帝四十年庚午崩元年民之貢獻者不知

所適歸海人獻鮮魚於菟道返之令進難波天皇執心益確

皇太子知其不可奪遂慨然自殺大皇驚馳至菟道慟哭時

人薨既經二日忽蘓生相語而遂瞑葬於菟道山天皇猶

菟道讓皇

九弟互讓位

王仁梅
樂歌

不即位。天仁作梅花歌。風以勸進。圖贊曰。五尋教化。將開博土。

域文華乃登祚都攝津難波號高津宮。屋壁弗堊。梁楹弗彩。務

從節儉。使民以時。○即位之前年。晉主司馬熾為漢劉聰呼為

僭國所殺。國亂。炎孫業孝嗣。○四年。詔天下除田之稅。租三

載。○是歲。漢劉聰殺晉主司馬業。五年。其族睿立都江東。是

為東晉睿實小吏牛氏之子也。○十年。修宮城。初。天皇登高

臺。眺望炊烟稀少。乃知人民困敝。蠲免課租。賑恤窮乏。宮垣壞

敗而不修。屋簷穿漏。而不葺。爾來風雨順時。五穀豐穰。百姓殷

富。○天皇復登臺。見炊烟盛起。喜咏和歌曰。朕既富矣。或云。今

屋墻不禦風雨。何謂富乎。○天皇曰。衆庶之富。即朕之富也。先

是諸國交請。修理宮室。弗聽。是歲群下屢請不已。始許之。庶民

周文靈
臺

樂堂
炊烟

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

子來不日成功○十年東晉主司馬睿中宗卒子紹肅宗立○十一

年鑿渠通海築茨田隄俗稱堤是也以避水患是歲新羅人來

貢因從是役○十二年東晉主司馬紹卒子衍顯宗立○高麗貢

鐵盾鐵的盾人宿禰射徹之高麗使驚異起拜○是歲鑿溝於

山背粟隈縣以便灌溉民賴其利○十七年遣使新羅責問不

來貢乃獻絹帛雜品凡八十艘○三十年東晉主司馬衍卒子

嶽謚立立○三十二年卒子聃孝宗立○四十一年遣紀角宿禰於

百濟分國郡錄物產○四十三年始獻鷹帝命百濟酒君畜

之後幸于百舌野酒君乃放鷹捕雉酒君者百濟王之孫也

○四十九年東晉主司馬聃孝宗卒無嗣衍顯宗子丕謚立立○五十

三年卒弟奕立○是歲新羅不朝貢遣竹葉瀨名人責之獲白鹿

還獻之。重遣其弟田道名新羅叛。田道擊破之。虜四邑人民以

歸。○五十五年。蝦夷叛。遣田道討之。田道軍敗。奮鬪而死。土人

收瘞之。後蝦夷益起。鈔掠發其冢。有大蛇出於中。咋虜殆盡。○

五十九年。東晉桓温廢其君奕。迎睿宗中之子昱簡立之。明年卒。

子昌明宗烈立。○六十二年。始置冰室。○六十五年。飛驒國司奏

曰。賊宿儼有兩面而合。頂四手四足。左右佩劍。多力矯捷。嘯聚

凶徒。劫略人民。乃遣難波根子武振熊討而斬之。○七十八年。

大臣紀武内宿禰薨。薨年未詳。或云五十年。或云五十五年。薨所未詳。武内孝元

天皇四世之孫。武雄心命之子也。歷事六帝。忠勇整肅。皇

家元老。托孤之功。臣享年三百有餘。紀公以身為天下安危首。凡二百五十餘年。功蓋天

下。有輔相以來。未有如紀公。○五雜組曰。日本紀。武内年三百

武内壽
三百餘
歲

雙胎相
合妖賊

田道現

文新刊
最良東國
七上編
大國史各
卷之一
五
百
壽
卒

虜塵鳴呼神兮 ○八十四年東晉主司馬昌明烈宗為妾張氏所弑于

德宗安謚立 ○八十七年春正月 天皇崩于難波宮壽百十歲

葬百舌鳥野耳原中陵在和泉大鳥郡 帝明叡寬仁恭儉恤民政修

年豐海內清平及至其末二十餘年之間未嘗刑一人登遐之

日天下兆民如喪父母矣贊曰 仁德以百姓之心為心

食惡衣服宮室敝不改三載除課役與民休息及四海既富

烟盛起百姓請輸稅調修宮殿而帝不聽又經三歲然後聽

之勿亟子來民歡樂之雖古先哲王何能過之漢之文景而下

不足較焉崇神下詔曰 惟我祖宗光臨宸極豈為一身蓋

所以司牧人神經綸天下也帝小 心約志躬服節儉不以大

下為侈務遵祖宗經邦之道而體崇神恤下之仁可謂盡

善矣周公作無逸曰文王輟服 即康功田功徽柔懿恭懷保小

民惠鮮鰥寡自朝至于日中昃不遑暇食用咸和万民是可以

贊帝之德化 下衡止而人階平享國永年之效亦可觀矣

聖帝之頌出於當時仁德之謚 上於後世豈虛文哉

廿餘年
不刑
人

皇子去來穗別在儲位五十七年至是即位是為履仲天皇

履仲天皇天來德先帝長子也。母皇后磐之媛命。帝在

諒闇。皇弟住吉仲叛燒宮。帝幸河內。使皇弟瑞齒別即正

友正帝討逆也天皇討之。瑞齒別恐事平後猶且見疑。乃奏請與忠直之臣平

群木兇俱行。遂誘仲皇子。近臣刺領巾。刺之。又用木兇言誅刺

領巾。帝乃還京。踰年即位。○以平群木菟蕪我滿智物部伊

呂佛圓大使主四人為大臣。○立葦田宿禰之女黑媛為皇

后。○三年復遷大和磐余舊都。是冬帝泛船宴園池。忽有櫻

花墜于御盞。異其非時。侍臣尋至室山得花枝以獻焉。上悅。

乃名宮曰稚櫻。○四年始置史官於諸國。記政事得失。達四方

之志矣。○六年春三月。天皇崩。年七十。葬百舌鳥野耳原南

陵。地屬和泉大鳥郡上雖非無胤存。先帝推讓之遺風。即位之明。

諸國置史官

文新刊 皇代通記 卷之二十一 二十

年以皇弟瑞齒別有討逆迎駕之大功立為嗣遂即位是為

反正天皇

反正天皇

瑞齒別

先帝同母弟也初生于淡路宮汲瑞井井名

為湯以洗會多遲花多遲漢墜于井中因為幼名帝容姿美

麗駢齒如一骨故又為號帝既立遷都於河內宮稱柴籬立

大宅木事之女津野媛為皇夫人○六年春正月天皇崩

壽在位之間風雨順時五穀豐熟人民富饒海內無事初先帝

以仲皇子謀反命帝討之帝乃曰今太子與仲皇子皆

吾兄也誰從誰乖然除無道就有道而已嗟歎久之云皇弟

嗣位是為允恭天皇

允恭天皇

雄朝津間繼

先帝同母弟也即位於遠明日香宮

海內無事

在大和高市郡

帝自幼岐嶷仁慧謙遜

先帝無嗣群臣議立帝

帝辭以廢疾艱行步諸大臣跪上璽固請弗退乃許之○二年

立忍坂大中姬為皇后后初微時隨母在家會遊苑中鬪

鷄國造某從傍徑行乘馬窺籬呼后乞蘭一莖曰行山拂蠖

辭甚不遜至是將刑叩頭謝曰臣罪實當萬死然當其時不知

貴者也因貶其姓謂稻置鬪鷄大和地名貶姓解脫○三年

帝有疾遣使新羅徵善醫者醫進藥未幾得瘳厚賞歸之○四

年詔定姓氏設鼎于宗廟令在朝百官及諸國官吏探湯

詛盟勿為妄認詐冒也○七年東晉劉裕弒其君德宗立弟

德文恭益已而篡位尋復弒之國號宋裕原賁履為業人也先是

晉大亂分為數國彼稱南北朝略今錄南晉東西通一百五十六

貶國造
稻置
定姓大

大和國造
大和國史各
卷之二十一
五十五

年而亡。十一年裕死。子義符立。十三年其臣廢而弑之。

稱王立弟義隆。四十二年春正月。天皇崩。葬惠我長野。

北陵。在河內志紀郡。贊曰。復中置史郡。履中未。後辰極。遣仲皇子之。

變。非及正之。效則社稷幾危矣。其誅仲皇子也。歎息之。

言出天而善處人倫之變。幾平周公教管叔之心。而以欲得忠。

直之臣與之。借行其慮遠矣。允恭躬膺圖籙。兢兢業業。新羅。

來弔。調貢船八十艘至。是歲宋主劉義隆為其子劭所弑。劭。

弟駿。武誅之而立。上嘗幸于淡路。遂留獵焉。終日不獲一禽。

卜之則云。鳴神所為也。且告曰。赤石海中有真珠。取以獻我令。

大有獲命。烏蠶戶。但。蠶音。捕之皆不能獲。阿波長邑男挾磯。烏蠶戶名者。

還報曰。洋中深險之處。有一大鰲。光耀射入珠在必矣。而不得。

漫近。我懸組于腰。沈入海中。良久得珠。撼其組。船上人挈出之。眾如。

烏蠶戶

神 玉津嶋

其言果抱鰻而出氣息既絕乃剖得真珠大如桃子用祭神復

獵獲如丘山惣鳥獲死 勅厚葬之 ○皇后妹衣通姬國色無

比亦有寵姬才藻富贍妙于歌詞後世立祠於紀伊和歌浦號玉津嶋神是也 ○初

帝立皇子木梨輕為太子 太子好色無行嘗當盛夏御膳

羹汁凝以為冰 帝異之卜知有內亂 帝崩後益暴虐淫蕩

一旦構兵將害其弟 衆叛遂自殺 太子弟穴穗即位是為

安康天皇

安康天皇 穴穗天皇 先帝第二子 二云第一子 母 皇后忍坂大中姬

即位之元年徙于石上穴穗宮 地屬大和山邊郡 帝欲聘大草香之

妹幡按為皇弟大泊瀨之妃使根使主傳 詔大草香大喜獻

珠鬘以表信根使主竊匿不進 誣奏曰大草香不奉 詔且其

言不禮也。帝大怒遣兵殺之。以幡拔為皇弟之妃。帝亦納

其妻中蒂姬為妃。尋立為皇后。○大草香之子眉輪王。以

皇后所生從養宮中。既三年。是秋八月。上幸山宮。倚樓眺矚。

顧謂后曰。朕雖親愛汝。竊畏眉輪。眉輪幼弱。戲樓下。聞此言。

伺上醉枕。后膝而寢。刺而殺之。三年後葬菅原伏見西陵。陵在大和漆下郡。大

舍人姓名馳告皇弟。皇弟聞變。被甲率兵而來。眉輪遁匿。

大臣圓家謂皇弟曰。臣非反也。唯復父讎而已。皇弟圍而

火之。眉輪及圓皆燔死焉。皇弟即位。是為雄略天皇。

雄略天皇武大治九恭天皇第五子。先帝同母弟也。生

時神光滿殿。長而伉健過人。先帝嘗欲以履中帝子市邊

押磐為嗣。帝深怨。於是誘市邊殺之。遂即位。○以平郡真鳥

眉輪

為大臣平郡姓以大伴室屋大伴姓物部目物部姓為大連○

二年百濟池津媛淫石河楯被刑○五年百濟王使其弟軍君

入仕○八年高麗擊新羅新羅乞援我將在于任那者大破高

麗尋又叛朝廷遣紀小弓紀姓小蕪我韓子蕪我姓征伐焉

大破之會小弓病卒于軍將士不和竟失利而歸○九年宋主

劉駿孝卒于子業立為其下所弒前義隆文第十一子或立○

十三年播磨妖賊文石小丸文石姓多力兇暴大為民患朝廷

命小野大樹小野姓討之圍其家燒之有一白狗大如馬自火

中出奮迅向大樹大樹拔刀斬之即小丸也先是小丸每蒙假

面或被猛獸皮稱為妖術劫掠商旅至是見誅○十四年吳國

人來獻女工漢織吳織帝令根使主饗之使主入謁皇后

漢織吳織

漢織吳織

正... 五車...

見其所著珠鬘仰天大哭曰彼鬘者橋妾兄獻先朝所以為

進妾於陛下之信也帝乃考窮前事獲其情實使主逃日

根野名地官兵緘而誅之○十七年詔土師連等造清器清器陶

器也飲食御器土器為貴陶器曰清後世從之○十八年伊勢

有朝日郎者性勇壯善射倚恃其能為暴帝命菟代宿禰曰

連姓將討之郎逆戰于青墓地名在伊賀國菟代不敢進相持兩日曰

連乃奮勵執大刀先與軍筑紫人物部大斧持楯而進郎遙射

之微楯及甲二重入身寸許目連輒會郎斬之○二十年高麗

滅百濟明年帝賜久麻那利地於百濟汶洲王者復其國○

二十一年宋蕭道成弒其君劉昱後廢或第三子准○二十

二年遣大佐佐命於丹波奉迎豐受太神神廟在餘社郡真

御器書
土器陶
器

伊勢外宮

神國常祀之於伊勢山田號曰外宮○二十三年百濟王文

斤薨帝勅立末多昆支王者別遣將伐高麗○是歲宋蕭

道成弒其君劉準順謚滅其族篡位國號齊宋八世凡五十九年

而亡○秋八月天皇崩在位二十三年壽六十二歲天皇

性剛強而好殺戮至婦女召入宮者泣訴求免又好田獵嘗幸

葛城與山神相馳逐後復獵有野豕突至左右咸怖避天皇

執弓刺止舉足踐殺之末年留意政理國家無事令后妃躬桑

以勸蠶事贊曰雄略猛厲嗜殺急於討賊蓋殺諸皇子暴亦甚矣信嬖幸刑罰嚴峻群下惴惴朝不謀夕然天

資英明斷自辰衷征新羅之闕貢存百濟于將亡令后妃躬

桑以勸蠶事皆可以為成憲也賢末年遷善豹變益勤政事遠安邇悅天下歸心云云其皇太子立是為清寧天皇

清寧天皇白髮廣國押撫先帝第三子生而白髮及長愛民

文所引 皇皇東國 上編 久國 各 卷之一 〇 二七 五車 婁 辛

母葛城氏大臣圓女名曰韓媛先帝立三妃是其元妃也○

元年設壇場於磐余甕栗地屬大和以即位遂定宮焉大伴室

屋為大連平郡真鳥為大臣如故○葬先帝于鷲原陵地屬河內

丹形比郡今有一卑人官名西國夷人入號泣陵邊七日夜

始大嘗之

不食而死有司禮葬於陵北○二年冬十一月大嘗荷田在滿

此始于○三年億計王為皇太子當時稱皇孫曰王億先是王

之父履中帝子為雄略帝所害其臣日下部使主日下部姓

奉王與弟弘計避難丹波餘社既又往播磨赤石使主縊死其

子吾田彦三字隨從不去二皇孫俱變姓名為奴在縮見地名在赤

石屯倉首官名掌國忍海部細日三字姓家牧飼牛馬去歲播

磨國司來目部小楯三字姓有事至郡細日置酒款待之弘計

二帝潛匿

謂兄曰吾二人潛匿已久今當告以情實或得見濟拔王猶恐

其致禍未許弘計慨然曰吾二人皆皇孫寧自告買害不能長

為人奴終困辱也因相抱持而泣夜深酒酣坐中人互起歌舞

兄弟秉燭立侍細目曰彼先人而後已恭敬退讓可謂有君子

之儀也小楯亦自撫絃命二人起舞相讓良久小楯頗促之於

是弘計整衣而起作歌述其系小楯大驚離席再拜即發郡民

營築假處之令其屬給事焉自乘驛傳詣京以聞天皇大喜

曰朕無子今天垂哀愍賜以二兒矣令小楯持節至赤石迎之

既至攝津又遣侍臣以青蓋車迎入宮遂立王為皇太子弘

計為皇子○是歲遣臣連名姓巡察諸國風俗又詔禁獻狗馬

器玩○四年秋帝親錄囚徒是日蝦夷隼人竝請內附○宴

之文所川 長直東園 七三編 尺國已各 卷之二 二八

諸蕃來貢使于朝堂賜物有差○是歲齊主蕭道成死于蹟立

○夏大酺五日○五年春正月 天皇崩壽四十一歲葬河內

坂門原陵在古市郡贊曰列聖以神明之亂居九五之

犬馬哭玩之獻可謂勤儉之土矣能舉顯宗仁賢帝於

側陋中躬以大器繼繼皇統其公天下之心可與日月並明

皇太子讓弟弘計不肯 即位於是 太子姊飯豐臨朝聽

政稱 忍海飯豐青尊未踰年而崩葬以 天子禮追謚曰

清貞天皇位以假居帝皇子弘計遂即位是為 顯宗天皇

顯宗天皇弘計初稱弘計王又名來目稚子 履中天皇之孫

父曰市邊押磐母美媛蟻臣女也及 飯豐尊崩 先帝之太

子自持璽綬授 帝以天下讓焉以謂蒙迎立者咸出於弟之

主 飯豐女

明斷也 帝亦以謂 先帝命定諸位且弟不可先於兄固矣

固辭不受。皇太子與大連守屋大臣真鳥率群臣勸進。帝

不得止聽之。既即位，仍以兄億計為儲君。如前朝時，人欽慶

其誠實相讓。○立難波小野王王女為皇后。○元年，詔曰：先

王天皇生父市邊押磐父曹離多難，殞命荒郊。朕幼年亡逃，自慙莫由求遺

骸，痛恨何堪。夫周訪天下，以告報焉。於是有一老嫗自言知其

處。帝即將嫗幸近江蚊屋野，果得墳塋，號哭悲慟，設奠改葬。

起陵而還。○二年三月上巳，幸後苑，始設曲水宴。曰：公事根元

元于未知何擲。○三年夏四月，天皇崩于八釣宮。宮趾在大和

上八壽三十八，葬于傍丘磐杯丘陵。在大和葛下郡天皇久在民間，

知百姓疾苦，故深用心於政事，卹孤養老，薄歛省徭，德化宣流。

億兆悅服，歲比登稔，粟斛直銀錢一文，海內殷富。皇兄即位。

後世唐太宗十
米錢
蓋未如

一五車妻辛

帝世殷

是為 仁賢天皇

仁賢天皇 德諱大石尊 諱大脚字鳴郎又名大為 松苗按書紀中

獨書諱字自餘諸天皇不 先帝同母兄也年四十即位於

石上廣高宮 地屬大和 先帝深怨 雄略帝殺父欲壞其陵

帝諫曰 雄略君臨天下四夷欣仰我父先王雖為皇子人臣

也尊卑分定禮固不讎君上且我兄弟得極富貴賴蒙 清寧

殊恩 雄略即其父也而今毀陵報怨豈非倒行逆施乎 先帝

乃悟 ○帝嘗與 先帝宴將取瓜喫偶無刀 先帝手執刀命

皇后 難波小野王 傳進 后至前立置刀於盤又酌酒立呼 帝

帝既即位 后大恐失敬明年遂自殺 殿上以水為禮以之為不

帝為儲貳日 先帝之兄也而謙遜 仁愛遂至讓位 豈有以

皇太子 手執刀 剖瓜可 疑

七年齊主蕭蹟卒孫昭業立道成兄之子鸞弑之立昭業弟昭

文既又廢而弑之鸞自立○八年大有年○十一年秋八月

天皇崩壽五十一葬埴生坂本陵在河内丹比郡○贊曰賢為

皇太子名不止言不順蓋上世質朴之風未暇擇與帝避

難在外備嘗艱難悉知民之情偽一旦垂冕旒握璽符而無盈

滿之志慎乃儉德飾躬行化咸熙時雍之治度越前下凡其

君國子民之道皆得之於友愛謙讓之餘而措於事業者充實

輝光天下孰有不歸其德者哉宋儒蔡沈釋皇極任語兄弟則

極其愛而天下為兄弟者於是取則焉帝其廢幾聖主

仁賢發陵之諫則發乎傷父之哀而循於敬君之禮以能感動

時主不使陷于非其義之盡誠之至又將俾天下之為君臣父

子者於此取則焉天皇性謙恕溫慈聰敏多識以故官稱其職海

內無事且為治專以仁惠民安其業戶口滋殖皇太子即位

泊瀨列城遂為皇居地屬大和郡是為武烈天皇

武烈天皇鳥鷦天皇母皇后春日大娘帝既即位以大伴

金村為大連○大臣真鳥久執國政稍致驕肆先帝既崩益

不臣其子鮪通物部麤鹿火之女帝為太子時不知其事亦

與之期會鮪來恚爭於是命大伴金村殺鮪及真鳥○九年齊

主蕭鸞死謚明子寶卷立是為東昏侯二年齊人弑之鸞弟

八子寶融自立○四年齊之踈族蕭衍弑其君寶融篡位國

號梁齊七世二十三年而亡○六年百濟入貢先是百濟王末

多無道為國人所弑其同族期麻嗣立至是遣使奉獻帝恚

其久闕貢拘留使人○七年百濟更使其族斯我來貢○天皇

在位八年崩春三月葬傍丘磐杯北陵在大和郡大皇好刑名法

令分明日晏坐朝斷獄得情釣幽伸杜然性忍酷好殺凡諸慘

刑皆自臨視劓孕婦觀其胎令宮女與馬交脫人指甲使其徒

手掘薯蕷使人伏入塘。械自持三尖矛。候其流出刺之。使人上

樹梢剪伐而倒之。或從下射之。覩其顛墜以為笑樂。且好田獵。

出入無時。不避風雨寒暑。扈從者不能堪。又與宮人沈湎于酒。

淫虐無度。驕奢暴斂。不知天下之饑寒矣。贊名肆行。武烈專好。刑

距諫言足以飾非。故大臣雖有如大伴金村大伴宰屋而師保

之訓不能入也。孰謂仁賢之子而有暴虐如此之君乎。其不

至百姓怨望。畔者四起。者雖由祖宗之餘烈。亦其天資英爽

善斷獄訟。鈎幽伸枉。決非庸劣之主。此其所以克保天祿歟。

應神皇玄孫迎即位是為繼體天皇。

繼體天皇男大迹天皇應神天皇五世之孫也。應神帝生

稚野毛二俣二俣生太郎子太郎子生彥主人即帝之父也。

初彥主人王在高嶋別業近郡屬娶越前カカ中井人女名振媛者。

生帝既而王薨時帝尚幼與母歸于越前居高向邑及壯

有德望。先帝崩無嗣。大連大伴金村與諸大臣定策迎仲哀。

帝五世之孫倭彥王於丹波桑田王望見儀衛兵仗不測其意。

大懼失色。逃匿于山中。不知所在。金村又議曰。男入迹王慈仁。

孝順。可纂天緒。群臣多從其議。遂備法駕迎之于三國。越邑在

帝乃正席引見。尊嚴自持。不為少動容色。聽其請入宮。金村跪。

上三種神寶勸進。遂即位。詔勸農桑。三年遣使百濟。令其

民逃亡。在任那日本縣邑者。日本縣邑任那國地名送歸于國。五年遣

都于山背。以筒城為皇居。山背即山背郡筒城。○六年百濟入貢。

表請任那國上哆唎下哆利娑陀牟婁四縣許之。七年貢五經。

博士段揚爾。及十年又貢漢安茂。請代揚爾許之。○八年皇

太子妃悲泣曰。妾無子。名亦無傳。後世太子感嘆奏之於

帝王自有真

帝乃チ詔曰宜賜ヒサカ迺布屯倉以傳チ妃名于萬世ニ妃名春日○十

二年徙于弟國今山城國○十七年百濟王武寧薨子明嗣立

○二十年遷都于大和居磐余是為玉穗宮○二十一年使近

江毛野近江姓率衆六万往任那復新羅所侵故地筑紫國造

磐井叛據火豐之地火國今肥前肥後與新羅通謀拒毛野於是以大

連物部麤鹿火為大將軍討之帝親授斧鉞明年麤鹿火擊

破磐井斬之筑紫平○二十三年遣近江毛野使安羅國和解

新羅任那百濟加羅等諸夷以百濟任那訴新羅侵掠絕朝貢

之路故也○二十四年詔舉廉節之士略曰今天下清泰內

外無虞竊恐元元由斯生侈成驕其舉廉節宣揚大道○帝疾

病傳祚皇太子在位二十五年壽八十二歲而崩春葬藍

廉節之士

文行川長且東國心三編之國史各二卷之二

野陵在攝津皇太子居喪經二歲即位是為安閑天皇

安閑天皇此大兄廣國先帝庶長子也母日子媛年六十

九即位元年遷于勾金橋即為宮號和地屬大大有年

羊大酺 詔曰連年登穀黎庶樂于耕稼鰥寡免於飢寒朕甚

喜焉賜大酺五日為天下之驩○二年冬十二月天皇崩葬

于河內舊市高屋丘陵 天皇風格凝峻德量寬大在位之間

國家殷富無嗣群臣立皇弟是為宣化天皇

宣化天皇此小廣國繼體帝第二子先帝同母弟也帝

器宇清通神襟朗邁不以才地矜物即位之年既七十歲徙于

檜隈廬入野和地屬大立攝仲為皇后以蕪我稻日為大臣大

伴金村物部麤鹿火竝為大連如故脩諸國中倉貯穀備凶荒

七十 即位

賜大酺

正親支... 廣城... 國... 卷... 三三

歸化人編籍於諸國○以秦大津父知大藏省事掌諸國租調雜物之司也

帝幼時夢有神告曰皇子罷秦大津父會為天下主覺後遣

人覓之得諸山城深草里見問曰汝嘗作何好事對曰無有也

但臣襄賈自伊勢還途經山中偶見兩狼鬪以謂是必為獵者

所獲排解而去帝曰必其報也輒以為近侍罷春日渥賞賚

甚夥及繼大位首有是命○元年幸于難波祝津宮遣使祭住

吉神賜民爵及帛各有差○肅慎人來泊于佐渡御名部埒抄

掠民人渴飲瀨河浦死者甚多人謂浦神為祟也肅慎國名唐曰靺鞨宋曰

如○二年詔百濟興復任那○四年百濟獻扶南齊書曰扶南在日南

之大海西嶺中貨財及奴二口○是冬詔津守連齋詔書

往百濟圖復任那也○五年百濟上表陳復任那之策○六年

狼亦報

巴提使
殺虎

春遣膳臣巴提使於百濟。膳臣姓巴至冬而還。巴提使之在高

麗也。一夕大雪，失其幼子。見戶外有虎跡，跡而至虎穴。虎張口

來噬。巴提使左手執虎舌，右手拔刀刺殺之，乃持其皮進獻。○

十一年，梁主蕭衍高祖為其臣侯景所幽囚，餓死臺城。蕭衍弑

賊而唯事佛甚謹，自講佛書前後捨身為佛寺奴，又信僧曇鸞每禮拜之，稱鸞菩薩者。○十二年，賜麥種

佛始入
我國

一千斛於百濟。○十三年，百濟獻釋迦佛金像及經論幡蓋等

物。曰：百濟王臣明謹遣陪臣怒喇斯致奉傳。帝國其表稱贊

佛功德，略曰：是法於諸法中，最為殊勝，難解難入。雖周公孔子

尚不能知此法，能生無量無邊之福德果報。祈願依請，無所乏

缺。於松苗曰：百濟王聖明深，弱惑佛說，尊信不自禁，遂至獻佛像

斬彼所謂福德果報者，果何在。帝以咨群臣，蘓我稻曰：越班對言：西蕃諸

報者，果何在。

國皆尊禮之我邦豈獨違也哉志好佛性素驕肆從聽天堂快

樂之說流延蕩益極奢慾至弒崇峻帝孫蝦夷曾孫入鹿

相續為逆意我邦於佛法稻目馬子之奉崇為始而人臣縱慾

弒君者亦馬子為始也先是眉輪有弒安康帝是坐童三年不

知君上不可讎之禮耳如馬子者天下共討之賊也而使其老

死牖下物部尾輿中臣鎌子向奏曰我國家素以祭天地社

稷百八十神為恒事今將拜蕃神恐致國神之譴怒乃賜佛

像於稻目稻目捨向原家為伽藍日向原寺是後諸國大疫久

而愈熾尾輿等奏請投佛像於難波掘江遂焚伽藍以謝國

神向原地名屬大和高市蓋稻目別墅所在也○後世唐韓愈

極諫佛骨入宮乞以投之水火可謂有物中二賢之遺風也

○是歲百濟為新羅所侵棄漢城與平壤新羅入居漢城○

先是梁侯景廢其君綱簡弒之立子棟豫章又弒之是歲侯

景被誅衍第七子繹立○十四年大疫○詔百濟宜令醫易曆

投佛像於難波

王取之
西漢

伐新羅

等博士。遞番往來。年月交代。龜卜曆算之書。及諸藥物。亦當附

送。○百濟乞援兵。夏遣中使賜馬。船弓矢。○冬百濟世子餘昌

與高麗戰破之。○十五年百濟使五經博士王柳買等來代貢

易博士王道良。曆博士王保孫。醫博士王有陵。陀採藥師潘量

豐丁有陀。及樂工若干人。皆依請交代。○百濟使至筑紫。問援

兵之數。及發遣之期。○夏遣內臣率舟師如百濟。俱伐新羅。是

冬新羅既殺百濟王。明遂欲滅其國。然畏我援而止。○是歲梁

主蕭釋元益為西魏所滅。明年梁人立釋子方智。○十六年百濟

世子餘昌使弟惠來告哀。帝聞而傷之。遣中使迎且慰問。○

十七年惠歸藩。賜兵仗馬匹。發兵護送。別命筑紫火君率勇士

一千。送至彌氏。守其要害。火地名。火君其土。官也。彌氏津名。○十八年百濟王

文行月長直更國二二角之國...

餘昌立。○是歲梁陳霸先弒其君方智諡篡位國號陳以姓

號梁四世凡五十六年而亡。○二十一年陳主霸先高祖諡武死兄

之子蒨立。○二十二年新羅入貢掌客名職待其使人裁損禮數

居諸百濟之下使人怒不入館還告其主於是築城置戍以備

我。○二十三年新羅侵任那毀我官府秋新羅貢調使至拘留

之。○是月遣大將軍紀男麻呂副將河邊瓊岳討新羅我軍不

利軍人伊企儺為虜所擒虜勸誘令降不從拔刀逼之曰汝須

言日本之將餒我醫肉伊企儺大呼曰新羅王餒予醫肉竟見

殺。○以大伴狹手彥為大將軍率兵數萬伐高麗大破之俘獲

甚衆。○吳人智聰齋儒釋方書明堂圖凡百六十四卷及樂器

等物來。○冬新羅入貢復留其使。○二十六年高麗人來歸置

伐高麗

伊企儺不屈

鳥羽上
表非禮
可疑

馬子為大臣物部守屋前為大連二人並執國政○元年高麗

遣使貢獻其大使為副使所殺世傳是時高麗上表墨書鳥羽

人莫能讀焉王辰爾蒸而印諸帛字形可辨帝大嘉賞擢為

近侍○四年立皇后廣姬既崩○是歲遷居于譯田號幸玉

宮宮趾在大和城○六年百濟王獻佛經論若干卷律師禪師

比丘尼咒禁師造寺匠佛工置難波大別王寺○八年新羅入

貢并獻佛像九年再入貢却之○十年蝦夷掠邊境詔召

巨帥綾糟等令責問之恐懼謝罪誓不復叛原歸部落○十一

年新羅入貢復却之○十二年百濟將日羅來帝銳意興復

任那羅國而聞日羅賢而有勇欲有所與謀議遣使諭百濟

王且令召之乃與使俱來帝延見問擊新羅復任那之策悅

其所說既而歸藩到筑紫為從官所殺○是歲陳主瑒死宜謚子

叔寶立後主長○十三年馬子得百濟佛像二軀造殿安之浮

屠之教於是稍弘馬子為人姦邪多慾以消滅重罪佛說○十

四年疫民多死大連物部守屋不信浮屠之法會有天災奏請

焚毀佛寺僧尼還俗金石像不輒灰滅者投諸難波江中制

可時京師患瘡死者亦多人皆謂佛之崇也夏馬子寢病請禱

佛帝性聰明睿智不信佛乃詔馬子曰汝獨為之勿誘惑

他人是秋八月上崩壽闕崇峻天皇四年葬帝于磯長

特立不信佛法詔蘇我馬子曰汝獨為之勿惑他人天語可謂

簡要而禁之勿惑他人則知其法之不可也既知不可而詐馬

子為之則私之也在廷諸臣皆知其詐馬子則孰有不嚮其風

守屋深敬國神

宗之法則社稷之福可勝言哉皇弟立是為用明天皇

用明天皇

攝豐明天皇

欽明帝第四子。先帝異母弟也。母蘓我。

堅鹽媛稻目之女也。既立新作。皇居于磐余。稱曰池邊雙槻。

宮市宮趾在大和十郡長門邑

○元年。皇弟穴穗部隱謀不軌。又欲烝皇。

太后將入殯宮。三輪逆令衛士鎖宮門。皇弟呼開門者七。竟不。

肯容焉。皇弟深憾。逆率兵圍其家。斬殺逆及其家人。○二年夏。

四月。上病。群臣議禱于佛物部守屋。勝海連二人同諫曰。何。

舍本國之神而敬蕃國之神乎。適皇弟延僧入宮。守屋怒。既而。

聞馬子等圖欲害已。適阿都避之。阿都大和邑名馬子之黨迹見赤檮。

殺勝海迄。帝大漸。鞍部多須奈。近臣姓名薙髮為僧。造佛像以祈。

禳焉。病益甚。遂崩。壽陽葬于磐余池上。陵在大和才市郡。推古天皇元年改葬于河内磯長陵。繼。

嗣未定。守屋欲立皇弟馬子弑之。遂構兵與守屋相敵。馬子以。

守屋忠諫

死生有命

亂起自佛法

好佛之故與皇子豐聰親善豐聰即上之子以母后行經廐

前乃產名曰廐戶皇子生而能言既長聰敏時並聽十人訟

言莫有失故又名豐聰召博士覺寄讀經史又召高麗僧習佛

教遂深好之於是馬子與皇子相謀將兵攻守屋於稻城積稻為壘

守屋坐朴樹上而射家眾皆死鬪皇子進兵圍攻守屋為赤檮

所射殺妻子咸遭害餘眾潰散世傳大連家多藏本邦古典籍

是時散亡殆盡後學嘆惜焉○守屋家資人捕鳥部萬資人謂小吏

字姓在難波聞大連及難單騎夜遁匿河內山中馬子遣兵

索之萬走入深篁以繩繫竹梢而搖曳之眾意其有伏兵不敢

逼近萬乃逸去有一人伏溪口射之中膝追者亦及鬪水而射

飛矢如蝗萬輪刀大呼奮擊殺三十餘人竟自刎而死肆尸於

萬死於

義狗

市夜大雨疾雷狂風萬家所畜白狗竊銜其首至有真名三跑

古冢埋畢自斃于其側朝廷愍焉命瘞義狗遂封萬墓與之

對レ○八月前皇后皇后廣姬崩後與群臣定策迎立レ欽明

皇子是為崇峻天皇

崇峻天皇泊瀬部欽明帝第十二子母蕪我氏稱小姊君稻

日宿禰女也○即位之元年作宮于倉市宮趾在大和櫛市郡倉橋村○百濟

復獻佛舍利及僧九人造寺匠鑪盤工瓦工畫工○是歲隋主

揚堅伐陳陳主叔寶降陳凡五世二十二年而亡先是敏達天皇十年

揚堅弒其君後周宇文闡諡盡滅其族篡位至是混南北是

為隋高祖也○二年遣近江近江姓滿滿名於東山道穴人雁穴人雁

名於東海道阿倍牧吹阿倍姓於北陸道觀察東北國境○四

年以紀男麻呂巨勢比良夫狹臣大伴齒葛城烏奈良為大將

軍復建任那率兵二萬餘屯筑紫令人往新羅任那探問

年冬十一月馬子弒帝葬于倉持岡陵帝年七十一初馬

子負定策之功專肆驕縱帝甚惡之將加刑戮皇子廐戶以

與馬子共深好佛親交素厚於是固諫乃止會有獻山猪野豕也

帝指之曰何時如此猪斷朕所惡者之頭有宮女寵衰怨懟者

竊以告馬子馬子大懼遣東漢直駒刺帝於內寢東漢姓駒

號別馬子賞駒甚厚遂親昵之駒矜恃不慎姦淫其女馬子暴怒

縛駒於樹自射殺之群臣推奉敏達皇后即位於豐浦宮大

和高市郡是為推古天皇豐浦邑

推古天皇豐御食炊屋姫天皇天皇欽明帝中女用明帝同母妹

馬子弒帝

馬子弒

也。初稱額田部皇女。皇女登極始于此。帝容色端麗。進止

有度。既立垂簾。不親豫萬機。立皇子廐戶為皇太子。攝政。

攝政之號始于此。而是以太子馬子以與太子善。大臣如故。

共執國政。○二年將軍紀男麻呂等至。自筑紫。○六年磐金至。

自新羅獻鵠。雙新羅獻孔雀。○七年百濟貢駱駝驢羊白雉。

○八年新羅與任那戰。境部臣為大將軍。穗積臣副將軍。率

兵萬餘往助。任那境部臣穗積臣擊新羅。大破之。拔其五城。新

羅歸。侵地乞降。受盟。且定朝貢之禮數。乃召還諸將。既而又叛。

侵任那。○九年。天皇居于月梨行宮。古蹟在大和市郡木原村。○發兵

援任那。遣大伴嚙於高麗。遣坂本糖手於百濟。大伴坂本姓嚙糖手名也。○

冬百濟僧獻曆天文地理遁甲方術等書。○十年春。以皇子來。

攝政大臣如故

目為征新羅將軍率兵二萬五千討新羅○夏大伴齒坂本糖

手遠自新羅百濟皇子病不果行○十一年皇子薨於筑紫更

以皇子當麻皇子來目之兄為征新羅將軍會喪而不果行○冬遷在

小墾田宮宮趾在大和高市郡豐浦村○是歲始定冠位大德小德大仁小

仁大禮小禮大信小信大義小義大智小智凡十二階明年頒

賜諸臣○十二年定憲法十七條皇太子所撰也文多不載

圖贊曰佳皇子才翩翩豐聰名合○十三年隋主楊廣蓋弒

其父堅蓋文自立○十五年詔祭祀神祇略曰朕聞皇祖天

皇敦禮神祇周祀山川是以陰陽調和今當朕世豈可慢祭祀

乎於是皇太子及大臣百寮莫有不起誠敬者也○十五年

始通信於隋以大禮冠位也蘇我妹子為使敕書曰東天皇

始定冠位

文政新刊 嚴直東園七主帝欠國史各 卷之一 五車婁辛

日出處
天子

敬白西皇帝。隋書曰：覽之不悅。○先是，天子致書曰：彼處天子無恙，帝

不少其中賜勅書於漢上，是為始。此行本為使沙門數人往

遣使報之。○松苗曰：蓋是馬子等所奏請也。彼揚廣為弒君父

之逆賊而欲為己學異端之資以辱天使，專輒可憎。但馬子與

揚廣惡逆比倫同。○十六年，蘇我妹子等還自隋，隋使裴世清

與之俱來，既而入朝。帝饗諸朝及其歸，復以妹子為大使，難

波雄成為少使，俱往。學生及沙門八人隨往。至十七年秋而還。

○二十二年夏，遣犬上御田鋤。二字，名姓。矢田部造，四字，名姓。於隋

及明年秋而還。○二十四年，掖玖人歸化。掖玖，或作夜句。海西

○二十五年後，周族宇文化及縊殺隋主楊廣於江都。先是，隋臣李淵已立廣孫侑，尋受隋禪，是為唐高祖。○夏，出雲國上言：神戶郡生瓜大如缶，是秋五穀豐登。○二十六年，高麗入貢獻。

又從之。豈欲之。釋氏慈悲。邪夫不討逆賊。則謂見惡者。虛文也。耳矣。太子之聖德。豈有如是之過耶。且太子者。朝所尊崇。則不可私。

議故略記其疑耳。○三十一年新羅復擊任那。取之。朝廷

議討新羅。先遣使責問。尋興軍。厭境新羅。恐怖謝罪。約復任那。

乃釋之。○是歲新羅任那入貢。陪醫慧日福固及僧徒等隨來。

○是冬。蘇我馬子奏請賜葛城縣為封戶。詔曰。朕蘇我氏之

出。而大臣則朕舅也。故每有所請。則無一不從。而無故賜一大

縣。則後世豈獨譏朕私外家。恐亦議大臣傷廉。遂不聽。○二十

二年。有僧執斧。歐祖父者。詔索諸寺僧尼。違法者。將重罪之。

百濟僧上表請罪其大惡。而赦其餘。聽之。於是始詔置僧正。

僧都之官。檢校僧尼。具錄造寺度僧之故。是時既有寺四十六

所。僧八百十六人。尼五百六十九人。○三十四年春正月。桃李

華三月霜六月雪。二月至七月多雨。天下大饑盜賊蜂起。是歲

逆賊死

蕪我馬子死。以其子蝦夷為大臣。逆臣終牖下其子為大臣天災蓋其應也○三十五

年唐高祖傳位。子世民是為太宗。○夏有蠅聚集。可十丈。聲如

雷。自信野至上野而散。○三十六年春三月。天皇崩。壽七十

五。臨崩召敏達皇曾孫與故皇太子之子密告以後事。且

戒謹慎。從群臣之議。人莫得詳聞焉。四月雨雹大如桃子。夏旱

秋九月。群臣始行喪禮。嗣位定故○遺詔曰。比年五穀不登。百姓大

飢。心勿厚葬。宜葬于竹田皇子陵。從之。陵在河內國石川郡山田村竹田皇子

帝子也。○贊曰。崇峻崩而無嗣。額田部皇女蕪我氏之出也。

馬子既行弒逆。權無出其右者。蓋群臣承其意而勸進此

朝。女主登極之始也。帝既正坤則於往也。握乾符於當

宜。政令修舉以導。祖宗之道而納。皇太子之言盛興。不能諫。馬子之罪亦非所責也。然帝頗知駕馭之道焉。

賜葛城縣ヲ帝下詔拒之辭直理正不惡而嚴馬子雖專然不能違此其不假於馬子者亦可以觀而弒逆之罪則晏然無所問豈非不能三年之喪而總小功之察者耶遺詔薄葬皇嗣雖有遺囑百姓此固君德之美而不能領命大臣以定皇嗣雖有遺囑不得與聞遂致紛紛之論惜哉大臣

舒明天皇

敏達皇曾孫迎即位是為

舒明天皇

息長 延日廣額 天皇 號高市天皇

敏達皇孫彥人大兄之子初號

田村皇子母曰糠手姬

太子豐聰薨後儲位未定尋先帝

登遐而遺詔傳聞或有異同内外洵洵境部摩理勢佐伯東

人等欲立故太子之子山背王蕪我蝦夷及諸大臣殺摩理

勢及其子姪定策宮中上置干ニ名ヲ天皇○二年秋遣使于唐大

仁犬上御田耜大仁醫慧日為之使○冬遷飛鳥岡謂之岡本

宮在大和國高市郡岡邑○百濟王義慈使其子豐璋入質○三年掖玖

人歸化。○秋幸于有間溫泉。冬還宮。有間山在攝津國伊奈郡。○四年唐使

高表仁。新州刺史也。唐書作高仁表。送御田耜等至對馬。適唐留學僧及新

羅使從之。冬高表仁等入難波館。○五年高表仁等歸國使吉

士雄麻呂黑麻呂送至對馬。○六月岡本宮災。帝遷居田中

宮。宮趾在大和國高市郡田中邑。○九年春大星西流有聲如雷。大星也。○蝦夷

叛以大仁上毛野形名為將軍討平之。初形名戰軍敗入保壘

為夷所圍。衆多潰散。形名不知所為。將踰壁遁。其妻諫止之。乃

斟酒飲之。而佩夫之劍。使數十婢鳴弦以助兵勢。夷以為壁中

卒猶多。不近攻之。於是散卒又聚。因擊大破蝦夷。遂撫綏東陲。

○十一年新羅使來饗之。朝賜冠位一級。○冬幸伊豫。鹿坂溫

湯宮。明年還京。宮在溫泉郡道後邑。○十二年適唐學生高向玄理還至

婦人言亦可謹聽

文所川 長直東國元三編次國史各卷之四十三

新羅百濟新羅朝貢使從俱來賜二國使爵各一級○冬遷百

濟宮在大和國廣○十三年大仁船首卒松苗曰天明乙巳年河內富田林堀地得

首誌石全文載余○是冬十月 天皇崩壽闕 皇后即位是為 皇極

明在大和高市郡冬野村○贊曰舒 皇后即位是為 皇極

天皇

皇極天皇天豐財重 敏達天皇之曾孫押坂彥人大兄之

孫茅渟王之女也初稱曰 寶皇女 帝既即位考古為政然

蕪我蝦夷為大臣如故其子入鹿專政威權過父○元年遣津

守大海於高麗津守姓 國勝水雞於百濟國勝姓 草壁真跡於

新羅草壁姓 坂本長兄於任那○高麗入貢乃遣人難波檢貢

獻之物責其數減常○六月大旱至秋八月蕪我蝦夷率百姓

祈雨又召僧誦經以禱皆無驗於是上行幸南淵水名在拜

天地四方風雷遽至大雨五日溥潤天下百姓咸呼萬歲稱

至德天皇○冬地數震天數雷又無雲而雨○二年春大風三

月隕霜傷草木雨雹風雷數作夏大風雨雹凍寒人重襲綿衣

入鹿弒山背王

天災甚頻蓋皆蝦夷入○冬蕪我入鹿弒皇孫山背王先是

入鹿父蝦夷既握朝權驕肆日甚造家廟於葛城祭舞八佾嘗

告病不朝朕所著紫冠私授入鹿著之以擬大臣代已視事又

使其弟胃母姓私稱物部大臣於是兄弟斂弄天憲威焰薰赫

密謀廢天皇立舒明帝子古人而忌皇孫山背王威名令

巨勢德入鹿之黨將兵圍斑鳩宮掩其不備王臣及舍人等拒戰有

奴三成者善射外兵多死傷不得輒入縱火燬宮王置馬骨於

之文新刊 長百東國七上篇欠國史各二卷之一 四十四 五頁 肆辛

正... 鹿伏

內寢携妻子及家人得間逃出匿膽駒山中巨勢德等灰中見

骨誤謂王已薨解圍而退王在山中五日其臣屋君為謀曰替

赴東國起兵滅蕪我氏王弗從有人告入鹿王在膽駒遣人索

之不得率兵親行皇子古人遇諸塗乃謂曰鄙語云鼠伏穴而

生失穴而斃今人心洶洶公將安適入鹿乃止既而王出山還

入斑鳩寺入鹿又遣兵圍之王使人謂之曰吾不忍兵爭殺無

辜故以身命賜汝主也竟與子弟妃妾俱縊而薨松苗曰王

子故為佛氏之慈其弊不害宋襄之仁也且聖德太子深信

佛而其子遭族滅佛果不足信也後世浮屠氏多作之說者要

皆道辭耳○四年夏蕪我入鹿伏誅初入鹿既弒山背王無復顧忌

乃營甘檮岡雙建父子之宅子男稱曰王子家門曰宮門環木

柵置守兵出入則令健人五十持仗從焉又起一宅於畝傍山

東高墻深溝建庫貯器械以覬覦非望中臣鎌子中臣姓鎌子名天兒屋根

命之以謂馬子之心路人所知也欲圖誅之是歲春詔以鎌

子為神祇伯官名掌祭祀之禮稱病不就退隱三島地屬攝津國今分為島上島下島

郡時皇弟輕即孝德天皇也脚疾不朝亦有意除惡鎌子以女妻

之因深相結託密議計策又見皇子中大兄舒明天皇子即天智天皇也仁

慈有局度欲與俱舉事而未有由告之一日皇子遊法興寺

寺在大和國飛鳥邑南蹴鞠樹下鎌子亦同在焉會皇子靴脫與鞠轉

展至前因起取之輒跪奉皇子皇子亦跪受之由是得親

近與同其謀而懼人恠其屢相往來乃同載詣南淵先生名漢

遊唐受經車中密議而為皇子聘蘓我倉山田麻呂之女為

妃倉山田麻呂與入鹿同宗而不相親睦者也遂告其謀引以為援會三韓使至欲

文新川 皇天巨更國心三編之國之各 卷之 四十五

因其際舉之定約剋期六月韓使來聘 上御太極殿皇子古

人侍側入鹿亦入侍 皇子中大兄戒衛兵鎖宮門自執長鎗

隱于戶側鎌子持弓矢從之藏二劍貢櫃中令佐伯子丸與葛

城綱田執以斬入鹿倉山田先前讀表將盡子丸等懼怖不敢

發倉山田流汗浹背聲變手顫入鹿怪而問曰何為其爾對曰

天威咫尺不覺震聳於是 皇子促子丸共進斫入鹿入鹿驚

起子丸揮劍傷其脚入鹿轉倒向 御座叩頭曰臣不知何罪

願 陛下垂愍 皇子亦伏奏曰鞍作入鹿又潛圖篡奪削弱

天宗臣等謹為宗廟誅戮逆臣 天皇即起入內殿子丸綱田

遂刺殺入鹿是日大雨潦水溢庭乃以席及障覆屍使人賜父

蝦夷 皇子入法興寺以設守備諸皇子大臣等咸進而隨之

蝦夷伏誅

皇子令巨勢德將兵討蝦夷。蝦夷悉焚古今圖書珍寶而後自

殺史慧尺。史官。慧尺名。其姓船。氏時人呼曰船史。疾馳收殘冊于燼餘以獻皇

子。本朝上世記籍遺物。蘇二家之難焚滅殆盡。天皇詔讓位於皇弟是為孝德

天皇

孝德天皇。天萬豐。明天皇。前帝同母弟也。○初前帝召皇子中

大兄。天皇之姪。語以傳國之意。皇子退告鎌子。鎌子曰。君今有叔

有兄。古人之大兄。而超陟天位。無乃違遜悌之義乎。不如讓立叔順倫

序也。中大兄悅。乃勸前帝傳位。帝讓古人大兄。古人

大兄遁入佛寺。祝髮為僧。帝乃即位。立中大兄為皇太子。

以阿陪內麻呂為左大臣。蘇我倉山田石川麻呂為右大臣。中

臣鎌子。鎌足名。授大錦冠。以為內臣。以上三公。以高向玄理為國

文
新川
長
巨
更
國
心
三
篇
之
國
之
各
本
之
一
日
六
一
五
皇
妻
卒

正親支... 樹下盟

博士○帝奉皇祖母尊盟會皇太子及群臣於大槻樹下

告天神地祇曰天覆地載帝道惟一末代澆薄君臣失序皇天

假手於我誅殄暴逆自今以後君無二政臣無貳朝若渝此盟

天災地妖鬼誅人伐皎如日月乃改元曰大化年有號始此○

高麗百濟新羅來貢百濟使人攝任那進調之事而其數有闕

令巨勢德太古詰責却之尋遣栗隈東人栗隈姓馬飼造

族別號注觀察任那國界○詔問治民之方右大臣石川麻呂

奏先崇祭祀之禮而後議政事從之以推古帝以來佛教壞

禮祀典漸廢故也○定百僚秩祿○皇子古人大兄既為僧至

是謀反賜死○二年戒諸國司曰凡欲致治者若君若臣當先

正已而後正人如不自正何能正人可不慎哉○是歲詔諸

戒國司

重祭祀

國作戶籍置關防斥候驛郵且設鐘匱於朝令言事者投書於

匱撞鐘告訴蓋欲聞政事得失○詔諸國修兵備又禁私賣田

園及兼并貧弱○遷都于長柄豐埒官趾在攝津國內成郡本莊邑○元年自春至夏大

和國鼠徙十攝津○黜陟諸國郡縣官吏○詔定葬制禁殉死

人謂遷都之兆松苗按先是八百四十八年垂仁天皇既禁殉死以樹物代之及後世禁弛猶有殉死蓋近臣厚蒙天恩者不得不殉焉

帝深愍之故復嚴禁○罷市司及津渡諸征○三年夏營小郡宮徙

居焉宮趾在攝津東成郡○議定禮法○工人漢直比羅夫建白擊溝引

水通于難波民頗疲苦有人上疏諫之上曰誤聽比羅夫朕

之過也即日罷役○秋新羅遣其臣金春入質獻孔雀鸚鵡○

是歲制七色冠定位十三階一曰織冠二曰繡冠三曰紫冠四

曰錦冠五曰青冠六曰黑冠各分大小二等七曰建武一名立

定冠位

文新刊 長夏百東國七上編大國史各卷之一 〇四一〇 五頁 慶平

正... 卷之... 五...

身初位之冠也。以上十三級。其小繡以上。服色深紫。大紫小紫。

服淺紫。大錦小錦。服緋。大青小青。服紺。大黑小黑。服綠。造淳

足。柵越後國置柵戶。又治磐舟柵屬越後國簡遷信越之民。置

柵戶。備蝦夷一年越後國鼠相率東徙書。四年夏廢古冠。○

五年改制十九階冠。大織至小紫六冠。及初位建武冠。共仍舊

制。大華小華大山小山大乙小乙。各分上下。新制十二冠。總為

十九階。○置八省百官。命博士高向玄理考定。○左大臣阿陪

倉梯麻呂薨。右大臣藤我石川麻呂為其弟。日向所讚自殺。尋

貶日向為太宰帥太宰府在筑紫。小紫巨勢德太古為左大臣。小紫大

伴長德為右大臣。並授大紫。○六年春穴戶國獻白雉。群臣上

表賀祥瑞。即改元曰白雉。○白雉元年唐太宗殂。謚文武子治

置八省百官

立是為高宗○二年遷宮豐埒在攝津國西○新羅入貢紀注是

天皇世高麗百濟新羅三國每成郡長柄使知萬沙漚等著唐衣冠朝

年遣使貢獻今無異事者略之廷惡恣變俗詰責遣還○三年班田凡田三十步為段十段為

町段租稻一束半町十五束○造戶籍五十戶為里每里長一

人戶主皆以家長為之五家相保一人為長相檢察○夏命一

僧講無量壽經於宮中會千僧為聽眾六日而畢是日大雨九

日始晴毀壞屋宇傷損田苗人及牛馬溺死甚多○九月豐埒

新宮成○四年遣使于唐以大山上吉士長丹大山下高田首

根麻呂二人為大使小乙上吉士駒小乙上掃守小麻呂二人

為副使學生巨勢藥永老人及沙門等從焉凡二百四十一人

乘船一艘以往室田御田土師八手為送使根麻呂小麻呂及

乘船一艘以往室田御田土師八手為送使根麻呂小麻呂及

正親支... 卷之一... 五車相...

僧輩所乘一船至薩摩竹嶋門覆沒溺死者一百十五人○五

年春遣使于唐以大錦上高向玄理為遣唐押使小錦下河邊

麻呂為大使大山下醫慧日為副使發船二艘學生及沙門等

隨行經新羅泊萊州到長安見高宗高宗永徽五年玄理病卒于唐有

僧死于洋中者○授中臣鎌足紫冠益封戶鎌足即○夏吐火

羅國男女各二人舍衛國女一人漂泊日向國按西域記觀

羅國舍衛國在月氏南方也○秋遣唐使與百濟送使共歸獻書籍寶貨授

長丹小華下封二百戶授駒小山下○冬十月天皇崩壽在

位十年葬大坂磯長陵在河內石川郡○贊日珉之蚩蚩必賴

其生養故森之象曰天地交泰后以財成天地之道輔相天地

之宜以左石氏祖宗經國之制至崇神始立矣然猶有闕而

未修尼而不行者孝德以慈儉為寶日晏忘食勤以自衛大

綱既察萬目畢張懸鐘設匱以求善言是明門目達四聰也

市司津濟之稅是關市義而不征也至若建號紀元置八省百官造戶籍禁兼弁辨上下定民志良規懿節不而足如其戒

國司之詔云云富哉言乎此孔孟扶世立教之旨而好儒之效亦可觀焉帝王之學詞藝固非所貴而要在經世化民若帝

者可謂真好儒術人誰無過能改為美謬信比羅夫之言即日罷役人皆仰之如日月之食焉蓋帝天資既粹美知人善任

輔以皇太子之德與中臣鎌足之忠制度備而紀綱振可謂財成輔相能成天下之泰矣舊史稱其崇佛法輕神道此雖春

秋責備於賢者之意而嘉謀休烈至是歲三韓遣使來弔前治之隆求之前古亦不可多得矣

帝再踐祚在飛鳥板蓋宮宮趾在大和國高市郡

齊明天皇皇極天 ○重祚之元年此朝年無號 中大兄為皇太子

如故先帝即位之日 巨勢德太古為左大臣中臣鎌足內大臣

如故 ○夏空中有乘龍者貌似唐人著青油笠而自葛城嶺馳

隱膽駒山及午時從住吉松上西向馳去 ○秋賜食於越後奧

中蝦夷是歸化夷人 授柵養北越地名 津輕陸奧地名 之蝦夷冠位各二

文文新刊 長耳東國七生編次國史各長之一 〇四九 五車妻辛

階。○冬。板蓋宮災。上遷川原宮。宮趾在大和高市郡○二年。造宮於飛

鳥岡本。遷而居焉。號曰岡本宮。即今岡村初。帝相宅會三韓來

貢饗。使人於此。遂考宮室。又起觀田。身岑側有雙槻樹。因名曰

兩槻宮。又名天宮。又造離宮於吉野山。既而岡本宮災。○二年。

吐火羅國男二人。女四人。漂泊筑紫。遞驛召之。○西海使小華

下阿曇頰足。小山下津臣。偃僕。還自百濟。獻駱駝一驢。按西海使

伐蝦夷

蓋當時有此名○四年。阿陪比羅夫率舟師十艘伐蝦夷。降之。

授齧田蝦夷恩荷小乙上。齧田一作飽田。即今出羽國秋田郡也。恩荷。酋長名。置淳代津

輕。二郡而歸。秋蝦夷二百餘人詣闕貢獻。○皇子有間謀。反

賜死。○越國司阿陪比羅夫伐肅慎。獻生羆二羆。皮七十張。○

五年。吐火羅國人來。○是歲。又率舟師伐蝦夷。降之。置後方羊

不辱君命

歸一郡而歸。○秋遣小錦下坂合部石布大山下津守吉祥使

于唐。高宗相見問曰。本國天皇平安否。答曰。天地合德自得

平安云云。答對數十言。如響應聲。一無失言。○六年遣阿陪比

羅夫率舟師伐肅慎。○秋百濟遣使告為新羅所侵。初新羅借

兵於唐。高宗乃命將率師助之。共攻百濟。入其國都。虜國王妻

子及侍臣等國殆。滅其臣鬼室福信。招收散卒。攻新羅軍。破

之。遂入保王城。以圖恢復。○冬百濟佐平官鬼室福信遣使獻

唐俘百餘人。而乞援兵。且迎王子豐璋。百濟侍子立以為國王。○七

年。帝親率舟師西征。初。帝欲西巡筑紫。而遣兵救百濟。行

幸難波。簡閱兵仗。又令駿河國造船。於是發車駕。○三月次磐

瀨行宮。在筑前國那珂郡○夏百濟福信上表請迎王子紇解。百濟王子

此注宜
移前朝
三年下

文新刊
長直東國
七上編
大國史各
卷之一
五

五... 五... 五...

者 ○耽羅王子阿波伎等來貢 按慈步錄圖濟州即耽羅國

秋置刈萱關 今屬筑前國御笠郡 ○帝遷朝倉造行宮名曰攝廣庭宮 在

前國與義鈔曰造黑 是也 ○七月 天皇崩于朝倉 壽 葬越智岡上 木宮木丸殿是也

陵 在大和國高市郡 ○贊曰女主臨馭於 推古而復位肇

之通制也 帝能誓遵古道綜理乃機誠虔感格禱雨而應遂 有

逮 至德天皇之稱然威權移于蘇我蝦夷父子而僭迫已極

及而至再踐 天位則命將授律遠救百濟親帥舟師為之聲

援英邁之風亞于 神功皇后蓋亦女主之所難能者而窮極

有不可得 而掩者焉 天皇好土木嘗造岡本宮鑿渠引水自香山 在大和國

西至石上山 在大和國邊郡 以舩二百艘運石於宮東之山以

作垣墼工匠役夫十萬餘人費用不貲民人怨愁謂之狂心渠 乃為之語曰作石山岡隨作隨崩及營朝倉伐神祠樹平地宮

殿既成無故自壞又大舍人及諸近侍多病死上亦尋崩時

人以為神崇舒明帝崩後上嗣位三年讓位於孝德帝

上尊號曰皇祖母尊十年孝德帝登遐上復祚七年前

後在位十年孝謙天皇朝追奉二謚前曰皇極後曰齊

明舒明帝嫡長子中大兄即位是為天智天皇

天智天皇天命開初號曰葛城皇子又曰中大兄母皇極天

皇初為皇子與中臣鎌足謀誅蘇我入鹿皇極帝欲傳位

皇子固辭而止孝德帝即位立為皇太子及皇極帝重

祚仍在儲位七年春從西征秋帝崩于朝倉行宮上素

服稱制○是月唐將軍蘇定方與契苾何力攻高麗八月上

遣阿曇阿曇姓也比羅夫河邊百枝將兵救百濟九月授織冠

系譜未詳

帝王孝

於百濟王子豐璋發卒五千餘護送還國冬十月上奉梓

宮而還難波十一月殯飛鳥川上性至孝居喪於難波宮雖

已踰年哀痛之甚未忍行吉禮云○元年正月賜百濟鬼室福

信箭十萬枝絲五百斤綿一千觔布一千端韋一千張稻種三

千斛又賜百濟王子豐璋布三百端○三月唐人新羅人伐高

麗高麗告急發兵援之○五月再遣大將軍阿曇比羅夫率舟師百

艘七十立豐璋為百濟王褒賞福信增爵秩賜金策○二年百濟

入貢獻唐倂○三月遣前將軍上毛野稚子間人大蓋中將軍

巨勢譯語三輪根麻呂後將軍阿倍引田比羅夫大宅鎌柄率

二萬七千人伐新羅拔一城○八月唐人新羅人入百濟我軍

與戰白村江不利唐書白村江作白江口百濟兵潰豐璋奔高麗先是豐

援高麗

百濟亡

改增冠位

璋信讒疑其功臣福信謀反遂殺之○九月我軍還唐滅百濟

○三年命皇太弟大海人三字名即天武天皇也改增冠位為二十六

階大織小織大縫小縫大紫小紫大錦上中下小錦上中下人

山上中下小山上中下大乙上中下小乙上中下大建小建○

夏唐所置百濟鎮將劉仁願願又作願遣朝散大夫郭務悰進

表獻物廼饗之且賜物○是歲置烽候防堡於筑紫及壹岐對

馬等處又造水城於筑紫築大堤貯水名曰水城○四年追贈百濟佐平

鬼室福信小錦下○百濟人來歸甚多乃處男女四百餘口於

近江神前郡給田又分遣二千餘人於東國遣一千餘人事在五年今此併書

○大閱菟道○唐使上柱國劉德高大夫郭務悰來修好及歸

賜物有差遣小錦守大石小山境部石積大乙岐彌針間護送

百濟人來歸

水城

文新刊 長且東國亡三編又國史各 卷之一 五十二 五且妻辛

之○五年秋大水免租調○六年遷都近江國滋賀郡號大津

宮衆庶不樂徙民謠風刺興焉又夜屢火五年京師之鼠東徙近江○是歲

城大和高安讚岐屋嶋對馬金田○冬唐白濟鎮將劉仁願遣

熊山令司馬聰送境部石積等到筑紫歸命小山下伊吉博德

大乙下等諸石護送之○七年春大皇即位天皇至孝服

除未行登極之儀至此始即位宴群臣○講武置牧○越國獻

燃土今撥燃燃水蓋石炭○是歲唐將李勣伐高麗克之○新

羅妖僧道行盜熱田神劍即萬壽寶劍逃歸其國風雨晦冥迷不得

行棄劍而去蓋是時藏○賜新羅王絹五十匹綿五百斤韋一

百枚小山卜道守麻呂吉士小鮪為使○八年耽羅遣王子久

麻伎貢獻賜五穀種○五月五日帝獵于山城兔道郡山科

神劍不可盜

○冬 帝就内臣官准三公中臣鎌足第問疾改賜姓藤原授大織

冠冠位第拜内大臣既而薨 帝臨弔賜賻年五十六葬于大

和談山之岑談山今人稱曰多武峯○圖贊曰南淵學若臣

○徙百濟男女七百餘口于近江蒲生○九年定 朝廷揖讓

之儀道路避降之節○修高安城蓄糧○築城長門一筑紫二

○十年春以皇子大友オホトモ天皇天子為太政大臣太政大臣始于此三公之首職同漢相國

蘇我赤兄アカニギ為左大臣三公中臣金為右大臣三公置御史大夫御史

蓋始于此位亞三公後廢三人三人以蘇我果安オホヤス巨勢比等オホセ紀大

任之○頒冠制法度大赦天下○唐百濟鎮將劉仁願遣使上

表○常陸國獻短人長一尺六寸○夏置漏刻於新臺上在

東宮所自造也宮漏之制始此○筑前言產八足鹿讚岐生四足雞○

短人

三公

大文所引 長豆東國 七三偏大國 各二長 五十三 婁辛

九月 上不豫十月宮中開眼白佛遣使於法興寺供佛以袈

袈黃金鉢象牙沈水香旃檀香及諸珍寶 上病益甚召 皇

太弟屬後事蓋 皇弟在東 皇太弟稱病固辭時蘓我安麻

呂安麻呂與密告曰應對加意 皇太弟乃知有內變讓于皇

子大友祝髮為僧 帝聽之賜以袈袈 皇太弟即入吉野山

在朝諸臣皆送至菟道而還人或謂猶放虎于山於是立皇子

大友為 皇太子立 太子事不載 十一月諸大臣奉 皇太

子盟于西殿承 天皇詔既而再盟于 天皇前是日賜新羅

王絹純綿韋等物○大炊省鼎自鳴○十二月 天皇崩于近

江志賀宮壽四十六在位十年年無號葬于山科陵在山城國宇治郡山科邑俗稱

御廟 天皇弘闢皇猷定禮正憲嘗命群臣撰令二十二卷謂

皇太子 友為 皇太子

之近江朝令又深愍農民辛苦其為儲副也從西征管營行

宮於筑紫朝倉山恐疲弊庶民務從質樸所用材木不剝鹿皮

百姓悅服謂之黑木御所又謂木九殿言用帶皮黧黑自然圓

木為殿材也乃自製歌詞後世以為神樂曲贊曰藤我入鹿藉

久戕剪天支公然無忌罪惡買盈勢將不利社稷帝職

居子弟而奉女主九五不應樞機易泄不得已乃擇賢智之

人協心合謀不動擊色而手戮大戮於黼座之側其功固盛矣

長有德之輕皇十再則奉親生至尊之皇極帝歷兩朝

十有餘年而容與儲宮若將終身及母帝崩猶尚素服稱制

殯六年而登祚是其至孝篤讓得平聖質者如此其美矣有而

若虛成而無跡推其無所利之心雖所謂有天下而不與者不

多讓焉即位之後益自節儉勤劬罷石棺之役弛築城之勞歌

文新刊 叢書東園先主編欠國史略卷之一 五十四 皇太子遣內小七位始見

于此式部式外位不得列內位上阿曇稻敷于筑紫告國喪於唐使郭務悰

務悰率官屬素服舉哀東向誓首○皇太弟聞皇太子令美

濃尾張大發造山陵役夫各執兵又自京師至吉野處處置

斥候使菟道守橋伺察行歇皇太弟從臣之運糧謂諸臣曰

吾所以遜位遜世者欲善終百年也已今聞近江朝廷之臣

悉謀害我事既如是豈可坐待亡耶遣村國男依和珥部君子

身毛津廣於美濃發兵塞不破道不破在美濃東山道要路於是皇太弟

將東或諫曰近江群臣元有陰謀密諭四方道路閉梗今無

甲從衛空拳東行臣甚危焉皇太弟乃遣大分惠尺逢志摩

乞驛鈴於留守司高阪王驛鈴當時以為徵兵之信驗者留守

者曾孫等通稱也凡稱某王曰若不得鈴志摩歸報惠尺速往近

皇太弟起兵

江召高市大津二子二人皆武之皇子會吾於伊勢高阪王果不肯

與鈴惠尺馳赴近江皇太弟得志摩之報即起東行事出倉

卒妃及二子一女臣僕侍婢三十餘人從焉塗得犬養大伴名

之馬皇太弟乘之衆皆步行過津振川大和國吉野郡北宇陀郡界水名

車駕及之追從者亦多遇伊勢運米馬五十匹奪之使從者騎

至大野大和國宇陀郡大野在內牧村會日暮取民舍籬笆作炬火夜半過隱

郡伊賀國名張郡焚驛舍呼曰天皇入東國吏民亟來奉迎莫有應

者抵橫川名壑橫川有黑雲竟天廣十許丈皇太弟按式美書師古注曰

式所以占曰天下分爭之祥也然我竟得之乎至荻野今曰占時曰

尾與近江甲賀來歸者稍衆經大山在伊勢國至鈴鹿伊勢國鈴鹿郡與近江

國置守兵塞山道○皇太子召群臣會議一人進策曰急發驍

文斤刊 長百東國二三編尺國各 五十五

騎追躡之緩則失事機不聽遣韋那磐鋏韋那磐鋏名書藥忍

坂大麻呂忍坂大於東國穗積百足及弟百枝穗積百足名書藥

物部日向日向名往大和佐伯男佐伯名往筑紫樟磐手樟磐手名

名往吉備令急發兵諸國拒命磐鋏逃歸餘被擒斬○皇太弟

會二子高市及惠尺至美濃塞不破道邑屬美濃東○高阪王

降皇太弟○皇太弟將坂本財坂本姓攻陷高安城在河內國

將壹岐韓國壹岐名與財戰于衛我川西水自河內國石川郡

曰石敗之○秋七日皇太弟分部諸將為二軍兵各數萬

軍紀阿閉麻呂紀姓阿閉麻呂名多品治等將之越大山趨大和一軍

村國男依和珥部君手等將之發自不破直衝京師恐其與京

兵混著朱於衣以為號○多品治駐軍荻野田中足麻呂別

將一軍守倉歷道倉歷舊屬近江國甲賀郡今隸伊賀國阿拜郡○皇太子遣山部王

山部及蕪我果安巨勢比等率兵數万擊不破軍次犬上川近江

國山部王為二將所殺果安亦尋自殺軍潰○京將羽田八

國舉族降于皇太弟○河内國司來曰鹽籠密集國

兵應不破軍謀泄自殺○京將大野果安擊皇太弟將大伴

吹負於乃樂山山在大和國添上郡今作奈良大破之○京將田邊小隅夜半

銜枚襲破皇太弟臣田中足麻呂所守倉歷營畏已士卒與

足麻呂衆難別每人令言金不言金者輒斬之唯足麻呂知之

言金僅免小隅遂進襲荻野營多品治所屯而敗績○男依與京

軍戰息長橫川息長地關及鳥籠山在犬上郡連破之○吹負招集

散卒西如當麻與韓國戰葦池破之當麻葦池名○京軍連戰

皆敗。諸將多死。素友足境部藥七 ○男依吹負等軍進至積田。

邑屬近江國栗太郡湖水南注之處架長橋通行旅起大津要路也 皇太子悉眾軍橋西前軍

將知尊撤橋板二丈許別施一長板繫繩設機過者皆為其所

陷。弱大分稚臣大分姓稚臣名 獨揮大刀斷索奮擊疾進眾軍

繼之守橋兵亂知尊死之京軍敗績。皇太子却走。○男依又

破京軍于栗津。諸將戰死餘眾悉散。皇太子與物部麻呂及

二舍人西走隱山前。書紀集注云按河內志茨田郡一矢村有

江草津人也嘗謂余曰今膳所西有 皇太子與物部麻呂及

有古松視之儼然山陵也因思浪華荒陵亦稱茶磨山以山陵

形似茶磨也膳所茶磨山蓋所葬 皇太子大友之處書紀曰

軍下栗津崗下其曰隱山前自縊蓋是似栗津山前非謂河

內也。自縊而薨時年二十五。皇太子為人魁偉眼有精耀博學通古有文武才幹嘗侍宴詩曰 皇明光日月 帝德載天

地三才並泰昌萬國表臣儀為宰執述懷曰道德承天訓暨

梅寄真宰羞無監撫術安能臨四海作詩蓋始于此嘗夢朱衣

老人捧日授已有人從腋下出奪之而去已覺語中臣鎌足鎌

足嘆曰聖朝萬歲之後恐有臣猾覬覦然臣生之日不令有

此事臣聞天道無親唯善是輔殿下自勉修德妖祥非所憂也

因以女配之相與親睦至是天命果不遂安能臨四海之語亦

以成讖云○八月皇太子治皇太子之黨與殺右大臣中

臣金及廷臣八人遠謫左大臣藤原赤兄御史大夫臣勢比等

及金等子孫悉赦之○九月還宿桑名邑屬伊勢入大和國島宮又

移岡本古宮所在是歲造宮於岡本南冬十月遷新宮是謂飛鳥地名

淨御原宮○明年皇太子即位是為天武天皇

天武天皇

天淳中原瀛真人天皇
又號淨御原天皇

先帝同母弟也幼名大海

人生而岐嶷及壯雄武通曉天文及遁甲○先帝臨崩傳位

皇太子大友群臣再盟上遷于吉野既崩上卒起兵殺

皇太子而自立賜功臣爵大赦天下元年信濃獻白雉改元曰

然書紀不揭年號唯以壬申紀元○置不破關于美濃國○二年詔公卿大

夫及諸臣曰凡初出身者先補大舍人而後選才授職○三年

對馬國獻部內所出白金用祀諸神頒賜小錦以上大夫授國

守忍海大國忍海姓大國各小錦下是產銀之始也○十月以皇女大

來侍伊勢神宮神宮而身于泊瀨齋○四年除所賜親王諸臣及

諸寺山澤林野○置兵政司王孫粟隈為長官大伴御行副之

○定諸國貸稅○筑紫獻唐人三十口處諸遠江○五年春

始貢銀

帝觀射于西門。○定諸國司任格。○定諸臣子弟及蕃人任進

格。○八年令親王諸臣貯兵馬。○帝謁齊明天皇陵。○九年

割伊勢國置伊賀國。割駿河國置伊豆國。○詔求善言。○十年

詔王公群臣定律令式。○立皇子草壁為皇太子而攝萬機

○撰帝紀記上古遺事。○詔定服色定禁式九十二條。○禁

私謁。詔曰百寮諸人恭敬宮人過度私詣其門或捧幣媚之

如是者隨事罪之。○十一年勅造新字四十四卷。境部石積等奉詔制

之其字今不傳或有冒名偽造者又俗間所用越之蝦

夷伊高岐那等請以俘戶七千別置一郡聽之。○詔有司凡應

考選者令審檢其族姓操行而後取之若族姓不明雖有操行

不入選例。○十二年置僧正僧都律師統治天下僧尼。○遣多

新字

禰嶋使歸上其地圖其國去京五千餘里居筑紫南海中粳稻

常豐一植兩收其人斷髮草裳今屬大隅鳴津氏○詔諸國習

陣法○遣五位伊勢王大錦下羽田八國等巡行天下定諸國

疆域○詔定朝參之制○唐高宗殂子哲立是為中宗未幾武

嬰高宗妃廢之立其弟且而自為政○十三年帝巡行於京

師○詔定諸氏之族姓作八色之姓本朝姓氏二字互相通攝

物部等本姓言又此曰姓者別是一義連本姓下呼之以別其

族之貴賤也今人謂之葛八濤其說詳見于推古天皇二十

八年及此一日真人二曰朝臣三曰宿禰四曰忌寸五曰道師

六曰臣七曰連八曰稻置乃賜真人姓於守山公高橋公等十

三氏按此連其本姓下稱曰守山真人而去舊所稱

之類及皇子皇孫以下始賜朝臣姓於大三輪君物部連阿倍

定族姓

臣等五十二氏是亦同上十三氏賜姓去君連臣等名號稱曰大三輪朝臣物部朝臣阿倍朝臣非改本姓也

以上姓氏之說松苗嘗所聞于先大夫賜宿禰姓於大伴連諸會臣等五十氏

冬十月十四日地大震京師及諸國山崩川溢城邑毀壞人畜多

死伊豫國溫泉壅土左國田圃五十餘方頃陷沒為海是夜東

方有聲如雷伊豆嶋西北海中土湧起三百餘丈別為島先

是七年冬筑紫地大震地裂廣二丈長三千餘丈民屋壞倒人畜

壓死者甚多○十四年更爵位號增加階級明位二階淨位四

階每階分大廣二等凡十二階諸王已上之位正位四階直位

四階勤位四階務位四階追位四階每階分大廣二等凡四十

八階諸臣之位是日授皇太子淨廣一位皇子大津淨大二

位皇子高市淨大二位皇子川島及忍壁並淨大三位其他諸

文行川... 卷之二... 五五... 慶辛

王諸臣進爵各有差又賜唐及百濟高麗一百四十七人爵位

○定朝服色淨位以上朱華正位深紫直位淺紫勤位深綠務

位淺綠追位深蒲萄色進位淺蒲萄色○十四年始奉神寶于

伊勢兩太神宮神寶謂神器用如弓切機行琴瑟之屬是也兩太神宮者內宮天照皇太神外宮

豐受皇神也詔每二十年改造神宮行遷宮儀著為永式帝至

今上凡八十朱鳥元年白鳳十五年還奉草薙寶劍於熱田神

祠蓋自先朝九月天皇崩壽六十五葬檜隈大內陵在

和高市郡天皇好佛多度僧尼數幸寺院飛鳥寺川原寺等或設大齋或

遣使四方說佛經或安一百菩薩于宮中至從釋氏所私稱呼

佛法僧為三寶而禮之然又尊崇神祇修理天下神祠祭祀之

禮多始自帝諸國頻出白鷹白鴟白雉赤鳥赤龜朱雀麟角

每并年
改造
神宮

甘露瑞稻嘉禾等物 帝皆為祥瑞每大赦天下又數免百姓

課役問民間疾苦祈年祀龍田廣瀨賑貧禮儀法制亦至 帝

世大備雖有水旱風霜之災及雨雪兩灰九年六月及十三年三月共兩灰是時信

濃國草長星見彗星出星隕如雨書紀曰十三年十一月戊辰

木皆枯午日沒時星隕東方大如瓮生四足雞大和葛城下郡產十二角犢丹波

上等異未甚為害 皇后嗣位是為 持統天皇

持統天皇高天原廣野姬天皇 天智帝第二女母遠智姬少名鸕野讚

良深沈有大度佐 先帝多所毘補 先帝臨崩 詔 上及

皇太子權總万機崩後臨朝稱制 皇子大津謀反發覺賜死

○賜京師年八十以上及篤癯貧不能自存者絀綿各有差

○令乙酉以前借貸者莫收息及役使其身 ○置投化高麗人五

十六口於常陸新羅人十四口於下野○新羅遣使入貢且請

國政○十二月為天智帝設法會於崇福寺永為國忌○

二年詔極刑減罪一等輕罪悉赦復天下今年調賦之半○

三年正月乙卯大學寮獻桃杖八十枚今白馬節有獻卯杖之事蓋始于此杖以擬漢

卯金乃為避邪之符也○以竹田王土師根麻呂等為判事通證曰是蓋

職恐與刑部省判事異矣○夏四月皇太子草壁薨○新羅遣使弔國

喪五月敕土師根麻呂責新羅失禮却其貢獻○置撰善言

司以皇子施基羽田勤等掌其事○賜音博士唐續守言薩弘恪等

稻通證曰是頒新令二十二卷於諸司先朝○會百官於

神祇官稱贊天神地祇之事○各國四分部內之民而黥其一

講習武事○四年即天皇位以去年皇太子薨皇孫珂

卯杖

留猶幼也。以丁亥歲既立賜宴公卿大赦賜群臣爵一級鰥寡

孤獨篤癯貧不能自存者賜稻除調役又賜京畿年八十以上

者稻人二十束有爵位者加布二端後復賜耆老男女九十餘

人稻人二十束○班幣於畿內諸神祠增神戶田承事神祠民戶及供給之

田○詔量群臣才能功勳以授冠位定服色○公卿著新製朝

服○以皇子高市為太政大臣丹比島右大臣○帝將南巡免

京師今年租賦乃幸紀伊國○始行元嘉曆儀鳳曆三代實錄曰始用元

嘉曆次用儀鳳曆元嘉曆劉宋元嘉二十年何承天造儀鳳曆即麟德曆唐麟德二年李淳風造

女內親王號授女王以下皇孫內命婦等位女叙位蓋始于此

隋始授婦人位○六月京畿及郡國四十大水○伊豫國司田

中法麻云獻宇和郡所出白金及金璞○畿內及諸國置長生

丙親王
女王

文文新刊
五車要幸

地釋令禁國 ○六年 帝將行幸伊勢中納言二輪高市麻呂

呂中納言見書紀始此二輪諫其方春遠遊妨農事不報

廣瀨王皇孫當麻智德等為京師留守高市麻呂詣闕復諫

遂幸伊勢謁兩祖廟車駕所過諸國免今年調役其國

司等加授冠位從駕騎士諸司官吏荷丁及造行宮役夫亦免

今年調役民年八十以上賜稻人八十束既而還宮賜天下貧

民稻有差閏月大水遣使巡行郡國稟貸遭災不能自存者

弛山林川澤禁 ○七年春正月十六日漢人奏蹈歌蹈歌蓋始于此

遣陣法博士等講武諸國 ○近江益須郡醴泉出 ○八年以大

宅麻呂臺八島黃書本實為鑄錢司司當作使蓋是時未設官舍也按文武天皇紀三

置鑄錢司年十二月始冬遷藤原宮在大和郡 ○十一年二月立皇孫珂

蹈歌節

Author: 岩垣松苗 (東園) (Iwagaki, Tōen, 1774-1849)

Title: 國史略 (Kokushi ryaku; A History of Japan)

Place: Kyoto

Publisher: 五車樓 (Gosharō)

Date: 安政 4 [1857]

5v. (double leaves)

Text in Japanese

PL 87
I 96
V.1

璠為皇太子是秋八月傳位年在位中無號帝性仁慈喜賑貧民

又尚儒術嘗賜大學博士上村主百濟上村主姓稻一千束又

賜食實封三十戶褒賞其勸誘子弟以明人倫也帝至文武天皇大寶二

年十一月而崩皇太子立是為文武天皇附于大内山陵

國史略卷之一終

國史略卷之一終
五直慶卒

PL817
.I96
v.1